

通志卷之四

東甌金石志卷三

嘉善

戴咸弼

鼇峯

纂緝

瑞安

孫詒讓

仲容

補校

宋一

北山寺經幢

上缺

當寺長言

□□□沙門□□□缺

□□□山□

□發酒務監□衛將軍兼御史大夫上柱國張洎軫

缺□糧河沙福報屹二而上增日月高高而下鑿□

□□□□□願□□匠□□悟天中受樂佛南趣

生頂□□涵□海□□□□□□神功□□福

□□□莫盡時乾德六年歲次戊辰四月丁巳初八

日庚申□□訖耳

□□□□□□□□□□ 男□□□□□□□□□□ 延宗

女三十六娘□□□□□□□□□□ □子□麥□襲□

□□□□□□□□□□ 女孫子三□□□□□□□□□□ 等□□□□

□□□□ 綱維僧 □□□□ 上座僧 □□□□

知庫僧 無□ 知□僧 □□□□

賜紫居□□□□首座□百□□言沙門□□□□□□

□□□□□□□□摩訶衍行惣持王說此秘密□□多

□□法身金剛句菩提□□虛空量□□法界諸如

來□念□□受持者念滿十方八千遍遍入於無

相□□□□□□□□一大聖□□□願力□□□善

證菩提□□□著薈蔔香不□一□□香衆常行十

惡罪□□□聞灌頂不□□恆沙罪□□□滿現受

阿鼻大地□□□念者得惣持同獲涅槃□戒樂

大佛頂如來廣放光明□摩訶□□□□上最勝金

剛三昧□□□□施十方如來清淨海□秘密伽他

微妙章句金剛薩室□□□僧伽喃引言□□言

引□□□曩謨□嚕□□□□曩喃引曩

謨□□哩□合二喃引曩謨悉馱尾你也二馱囉哩□

右第一第二面

琰親娜夜弭枳擢夜弭引麼賀引迦囉麼引麼哩合二

誡拏引娑音咽夜野言訖哩合二擔尾你琰親娜野

弭枳擢引夜弭揭播哩迦引訖哩擔引尾你琰親

枳擢夜弭勃陵合二儼哩致迦引難上你言引濕疇合二

囉誡拏跛底娑音咽夜野夜弭阿囉罕多訖哩擔尾

東國金石志 卷之三
你玟親娜野弭枳擺夜弭尾入多囉識訖哩擔尾你
夜弭枳擺野弭

小大頭囉入乞灑二合囉乞灑引一切婆去誡鏤

金剛部囉引反娑恒他誡覩鬼神普引尾迦桌多銛恒隸二合

入囉二合囉引囉引馱音馱引尾馱吒娑

囉賀三合係係反胡計登吒護護引沒吒阿入穆伽野登

吒阿銛囉二合底賀多引薩嚩曩覓毗藥登吒薩嚩藥

乞义二合毗藥登吒薩嚩囉乞酒二合細毗藥登吒薩引

毗藥登吒薩嚩麼護囉藝毗藥登吒薩嚩麼努酒引

毗藥登吒薩嚩阿麼努布單妳引毗藥登吒薩嚩羯

吒布單妳毗藥登吒薩嚩訥嘜儼帝引毗藥登吒

右第 面

徐引之按北山寺經幢在平陽錢倉鎮寺東向幢
已斷缺過半今存者高三尺五寸五分六面刻經
文行數不等廣一尺一寸八分光可鑑人太湖石
也今在神座前上安神爐不易揚字殘缺不完錢
倉爲吳越王錢俶道場疑爲吳越時所作

右幢六面淞樵初拓其一莫詳年代嗣僑兒續搨
兩面知係宋太祖乾德六年所刻吳越忠懿王宏
俶嗣位之二十二年也幢身微損石上下似無斷
缺惟搨本漫漶闕字甚多第一面九行第二面八
行一面經文十行行俱三十十字正書徑八分結體
端勁似顏清臣張口軫中一字僅辨水旁其結銜
監字下疑是門字隋有左右監門府將軍唐亦有

東國金石記 卷之三
三
監門衛大將軍將軍吳越時猶沿其制攷續通鑑
開寶元年三月甲申朔四月當癸丑朔此題四月
丁巳初八日庚申丁巳蓋月建也是年本乾德六
年十一月癸卯改元開寶史據所改年號冠諸歲
首故曰開寶元年經咒本可不錄其中閒有小字
徑四分如二合三合則梵音之反切也或注字音
上去入或云一切守護鬼神將部皆他處所未見
故附錄數行以資攷證

孫詒讓案唐六典左右監門衛有將軍各三人從
三品班在左右大將軍之下掌諸門禁衛門籍之
法又御史大夫一人從三品又官人勛級十二等
十二轉爲上柱國比正二品五代十國多仍唐制

此碑張口軫繫銜稱監門衛將軍御史大夫上柱
國以從三品之官兼比正二品之勛似殊不賤然
其時諸鎮擅命橫恩濫授越踰恆格故薛居正五
代史百官志載後唐天成三年五月詔曰上柱國
勛之極近代以來武資不計何人初官便授上柱
國宜自此時重修舊制今後凡是加勛先自武騎
尉經十二轉方授上柱國永作成規不令踰越雖
有是命竟不革前例是其時武人初入仕班卽授
柱國此幢作於吳越未納土以前蓋猶未革是弊
固未能以開元舊制詰之矣

瑜珈寺塔輓

東國金石記 卷之三
三
乾德六年太歲戊辰四 下缺

靜海軍衙直太傅鍾欽弟子 下缺

右甃在永嘉十三都白塔瑜珈寺塔間厚一寸六分廣六寸六分下半斷失長不可計右側存文九字左側存文十一字字徑五分許

孫詒讓案甃文端秀可喜宋甃中所僅見樂史太

平寰宇記温州晉天福四年升為靜海軍節度從

錢元瓘之奏請 唐時温州已建靜海軍使 皇朝為

刺史州此甃作於宋乾德戊辰時吳越尙未納土

故猶以靜海軍繫衙直者爾時藩鎮軍職之名

凡節度軍蓋並有之王昶金石萃編載大順三年

撫州寶應寺鐘款後附撫州軍僚題名有衙直官

王藹正與此同蓋以其在牙前輪直故謂之衙直

與押衙衙推相似其云太傅者洪邁容齋三筆云

唐中葉以後官曹尤為泛濫僖昭之世遂有提船

郭使君看馬李僕射周行逢據湖湘境內有漫天

司空遍地太保之譏李茂貞在鳳翔內外持管鑰

者亦呼為司空太保云云據此則唐五季時強藩

專擅優假武人除授僭濫至於庸奴賤卒悉得躡

躡躡保傳錢氏在宋初雖奉中原正朔而五季濫授

之習未盡湔除此鍾欽以衙直而繫衙太傅蓋無

足怪也

大禹王廟石塔殘字

乙 下缺

日甲寅立

□ □

東國金石志 卷之三
熙四年二月十三記勾當僧 □□

皇帝聖壽併入會官員信士等 下缺

右第一面

內品 下缺

內品守內 下缺

內品守內侍 □□□□□□□□□□務徐洪

承奉郎守秘書省 □□監温州鹽酒稅務韋成象

宣奉郎守著作佐郎監温州商稅 □□元玘

殿前承旨温州兵馬 □□兼在城巡檢燕守則

承奉郎守太子右 □□□□軍州 下缺

承 下缺

右第二面

右石塔在永嘉東門外大禹王廟太湖石造現存

五層高約一丈凡八面字僅存四面面寬二尺許

第四面無字其可辨者止一百五十四字紀年處

存一熙字志載大禹王廟在海壇山上宋雍熙四

年建此幢蓋同時所造今迫在戲臺前當是築臺

時限於尺地故遭損擊第一面首五字字徑一寸

二分熙字已下徑七分第二面徑六分兵馬下當

是都監二字內品守內侍者內官名第七行結銜

下存軍州二字當是知温州軍州事不知何人惜

姓名磨滅不可考矣第三第五兩面字皆徑一寸

二分殘缺不可讀今不錄

謝泌謝客巖詩刻 左文

塵

只我今來嗣後

子孫千載知多少

登臨盡日動悲辛

舊刻巖前文字在

遠孫泌述

右刻六行在永嘉飛霞洞謝客巖上方側面左文
正書字約徑二寸餘下有遠孫泌述四字意其爲
謝泌所作按宋史泌字宗源歙州歙人登進士第
歷事太宗真宗拜左右諫議大夫任直敢言厯知
同虢湖福襄五州咸平五年同知貢舉由通進銀
臺司出爲兩浙轉運使徙知福州此必道經温州

時作也又攷浙江通志謝泌知湖州與轉運使兩
見蓋出知湖州在太宗時爲轉運使則在真宗時
耳此刻在巖旁高處遊者目力所不到故多未見
塵字提行寫與只字並惜巖高不能搨也此詩疑
爲皇祐時郡守劉述所刻見下劉述題名

孫詒讓案此詩爲謝宗源所作塙鑿無疑宋羅願
新安志云謝諫議泌自言晉太傅安二十七世孫
謝客爲太傅兄子康樂獻武公玄之孫於太傅爲
從曾孫行族屬最近故宗源此刻有遠孫之稱也
陶山寺佛頂尊勝陀羅尼經幢

經文不錄

皇宋天禧四年歲在庚申十一月戊子朔二十六日

癸酉温州瑞安縣芳山鄉韋輿村居住志信弟子邵從穆并男辰男質闔家眷屬等謹捨資財二百貫文詣陶山寺大殿前建立石寶幢二所各鐫 佛頂陀羅尼經用光 聖代永鎮名藍功果告成敢伸微願惟冀常住三寶天地龍神同垂惠愛共賜晶明從穆今捨家財建茲妙善一願

皇帝陛下永齊日月之明一願祖上考妣神識逍遙一願亡妻黃十五娘在生同營財帛今朝淨福長薦貞魂一願見居兄弟各助亨通一願從穆積生今世三業六根衆多尤過承殊勝福志皆清淨見生安樂來報無憾一願從穆生生世世□□人趣受身所生之處十善眷屬百福莊嚴身器堅淨智性晶明有福

有壽多食多安常興三寶建大津梁作衆善事諸天衛護起心堅固無魔所□□□□一生一報顯□一報自識宿緣自明正理於□□性離斷常見向空有門得了達智諸佛會中皆興供養皆得諸佛授正法記次第修行證常住果具大神□入十方界運利樂之慈攝衆生之苦自身貞□度彼超昇共諸眷屬善相接續化諸有情俱登正覺恭惟 諸佛鑒茲微願

一一允從事事諸實志心謹□邵從穆自身□建隆元年庚申三月長生伏日日前同妻黃十五娘男辰男質等將已分資財造 因果今鐫此幢用彰後

一件本家造觀音一身

一件陶山寺轉大藏三遍

一件造羅漢一身

一件開心寺造羅漢一身

一件綴泥彌陀殿一所 一件添助綴泥大殿及汚
酒鐘樓并捨錢穀入講堂 一件贖十王幘十鋪
□□□造千佛二身 一件寫藏經四函入悟真
寺顯教院 一件廣照院造夾苜釋伽佛一身 一
件造羅漢殿一所三間 一件爲亡妻轉熾盛光經
藏 □□□僧齋資廡亡妻 一件自預修生七
一會 一件前後設二十會斛食 一件前後在家
并慶讚設僧三千員 一件前後捨錢□□□三
百貫 □□□□□一千三百貫文一自課心經
一藏男辰并齊座主爲移各課心經一藏男辰又爲
亡母黃十五娘心經一藏□□□□□□□□□□
茲貞石之記 邵從移建慈寶幢眷屬施財入緣

兄邵覽錢一貫文 弟邵隨錢一貫文 弟邵□□□
□□□□□錢二貫 弟邵逸錢一貫 弟邵寵一
貫 女夫樓承超邵十八娘錢一貫五百 女夫樓
政邵二十一娘錢一貫 女夫張凝邵二十二娘□
□□□□□徐十娘錢二貫 何万妻曹六娘
錢二貫 已上助緣天禧庚申歲十一月日邵從移
錄 都勾當大德妙莊 紹文 願齊□□□□□
□□寺主□經律臨壇講讚大德寶琮 首座淨
名通惠大德又旺 知事僧鴻鴉 又生 知庫僧
居諒 繼文 □□□□□長講經律臨壇傳教大
德寶卿 長講□□□□書 施主姓名如後寺主
寶琮捨錢五百文 前寺主智譚捨錢一貫 精藝

大德昭湛拾一貫 姪興姪寶 砌階道基址 弟
子口口鮑贈李晟劉德榮 已上各捨二貫 延謚
曹儼劉皓 已上各捨二貫文

孫詒讓案右經幢在瑞安陶山寺大殿前凡八面
前五面並鐫陀羅尼經及真言呪語末三面爲記
及捨錢人姓名據記幢爲邵從移所立本有二所
今佚其一經記並寺僧某所書名泐不可辨字體
樸拙尙有隋唐石刻之遺佛書菩薩字本菩薩之
變體唐已前刻經造象書此字皆作薩宋已後人
書此字始多从產乃誤中之誤此幢薩字數見皆
不作薩猶不失古意記內薦作薦古可通用從移
自題芳山鄉韋輿人今縣志芳山鄉三十四都有

余輿而無韋輿瑞安方言余韋音同余輿殆卽韋
輿之誤從移移字亦字書所無音義未詳記又載
從移先於建隆庚申與妻黃十五娘男晟男質等
造各因果附鐫此幢考庚申爲宋太祖建隆元年
後六十年當真宗天禧四年復得庚申乃造此幢
以年推之從移當已八九十歲矣蓋五代末人宋
初尙在者記中所載諸寺觀以縣志考之閑心寺
今在芳山鄉杉坑悟真寺今在城內峴山廣照寺
今在芳山鄉溪壇惟顯教院無考縣志寺觀門載
悟真寺有子院二一淨土院今改建顯佑廟一南
山律寺今改建四賢祠顯教院疑卽南山律院也
其所造經像有夾苾釋伽佛一身夾苾者謂以苾

麻夾土塑成佛像唐釋道宣廣弘明集載梁簡文帝有爲人造丈八夾芒金薄像疏則其制由來遠矣

邊調飛霞洞題名殘刻

天聖七年正月

十六日邊調率

胡昉□□□□

□□

右刻在永嘉飛霞洞崖上高處四行後兩行石泐過半共存一十四字字徑三寸三分正書下有神龕不知其有字也偶於錢鏐題記巖旁側身斜睨字蹟顯露汪子堅司諭攀藤附葛緣崖而上乃得

之前此未之見也邊調以太常博士守温州見萬厯郡志又按浙江通志胡昉官知杭州軍州事在孝宗時與題名天聖七年相去已一百三十四年矣惟通志碑碣門有等慈禪寺釋伽文佛像記慶曆五年太常博士胡昉記碑在上虞縣當卽此胡昉蓋天聖七年己巳至慶厯五年乙酉相去止十七年耳

孫詒讓案邊調應天府楚邱人邊肅之子終尚書兵部員外郎福建路轉運使見宋史邊肅傳陸佃陶山集邊珣墓志銘亦稱其在仁宗時嘗更省府與韓忠獻及佃祖諫議爲僚友相好有醅德美行云

東陽金石志卷之三
薛孺卿等飛霞洞題名

左文

二月九日

天聖十年

觀尉高汶

口之簿曹

卿邑宰陳

棘丞薛孺

右見郡志劉恒觀謝巖篆刻記青石碑在巖背篆刻有二其一云棘寺薛孺卿邑宰陳口之簿曹觀尉亭汶字方四寸許其一卽錢鏐題記云云孫同元永嘉間見錄亦云崖上石刻篆書二其一云棘丞薛孺卿邑宰陳齋之簿曹觀尉高汶凡四行十

六字字俱右行右有天聖十年二月九日小篆字二行亦右行府志誤以丞字爲寺字高字爲亭字小篆款亦失載陳字下篆書不可識王春農云疑是動字據此則兩人學博司諭永嘉時此刻尙可見今僅三四年何以竟不可得蓋是刻六行行四字劉記云字方四寸許則每行不及二尺今於石壁上作洞門圓其頂而甃之想適當其處遂爲新築神龕所掩他日必當復出非蕪沒也故仍著於錄惜孫君不工椎榻亦未摹篆書全文今未見拓本仍以正書錄之郡縣志永嘉今天聖間亦無陳名口之者紀載之疏也棘丞卽大理寺丞容齋五筆云今人稱大理寺爲棘卿丞爲棘丞可證薛

東陽金石志 卷之三
孺卿無考曹觀高汶二人志俱失載當補入郡縣志職官

曹觀飛霞洞題名詩刻

巖前春草萋萋色

巖上春風淡淡陰

數百年來無謝客

□□依舊到如今

曹觀

右刻在飛霞洞內鄭賡等題名之次正書共五行上四行行七字徑三寸第五行存二字觀字下不可辨此刻亦前人所未見以石質粗惡僅一曹字明顯色字今字尙可認蓋因向作神龕適當其處

爲蜃灰所掩初不知有字迹也乃剷去灰痕洗刷數過手搨一紙携歸尋繹始得此詩僅缺第四行首二字淞樵云疑是蒼茫二字亦頗近是曹觀爲永嘉簿見上薛孺卿題名石刻時在天聖十年意其同時所作也

孫詒讓案曹觀皇祐中嘗知建昌軍李觀以詩送之云要知賢者善居官法自巖明性自寬見凌迪知萬姓統譜檢明本盱江集送知軍曹比部移虔州詩有此二句則又嘗以郎官知虔州矣

石門潭題字

勅封石門驚禱

下缺

久防龍潭永充

下缺

東陽金石志 卷之三
天聖秋 下缺

右刻在樂清雁山石門潭左壁三行正書徑二尺許天聖秋已下數字不可辨雁山志云元至正間有龍觸石爲門崖上有石刻紀其歲月今尋訪未獲茲刻勅封云云下有訛缺未有紀元而無甲子亦不解久防埭名見樂清志去潭不遠

馬尋等謝客巖題名 左文

十二日題

厯甲申季冬

元亨同遊慶

馬尋左瑾董

右題字四行在謝客巖磨崖大字之左當客字之

旁正書徑二寸左文慶厯乃仁宗第六建元甲申其四年也攷馬尋宋史附陳太素傳云須城人舉毛詩學究判大理寺明法律歷提點兩浙陝西刑獄廣東淮南兩浙轉運知湖撫汝襄洪宣鄧滑八州終司農卿處州石門洞亦有馬尋題名見栝蒼金石志左瑾以都官外郎知温州軍州事董元亨寶元閒通判俱見萬厯郡志秩官

孫詒讓案董元亨見宋史忠義傳深州東鹿人慶厯七年貝州卒王則反元亨時以太常博士通判貝州抗節死史不載其通判温州事此刻爲甲申冬所題在元亨死節前三年疑卽由温倅改貝州也

田瑜龍鼻洞題名

田瑜來

慶曆丙戌三月一日

文僑按右刻在樂清雁山龍鼻洞內左壁正書兩行首行三字字徑七寸四分次行八字字徑二寸五分田字頂有黃頌李广二人題名爲諸磨崖之最高者田瑜宋史有傳字資忠河南壽安人登進士歷官兩浙轉運使丙戌慶曆六年也

倪天奇甄昂靈巖題名

左文

己丑歲同遊

邑尉甄昂

州幙倪天奇

文僑按右刻在雁山靈巖天柱峯前大石上靈雁巖主題詩之前左文三行二行五字一行四字正書徑二寸七分邑尉甄昂元李孝光雁山詩注甄昂皇祐己丑尉樂清宋薛季宣浪語集引章望之雁蕩山記皇祐元年己丑縣尉甄昂發蕩陰山水州幙州之幕官倪天奇郡志失載

孫詒讓案甄昂開封人見萬姓統譜

丹霞山殘刻

金□□

皇祐二年

三月二十

下缺

右字在樂清丹霞山楊康功題名之下金字徑七

寸七分其名已泐年月二行字徑三寸

苗振常鼎大龍湫題名

苗振伯起

常鼎寶臣

文僑按右刻在雁山大龍湫後絕壁上兩行行四字正書首行字徑一尺八分次行徑九寸二分壁陡立潭旁涉水攀高託趾石齒縛尺杖端始能測量字謹嚴栝蒼金石志石門洞亦有二人題名云尚書郎苗振閣門祇候常鼎同遊辛卯孟冬初五日李金瀾跋按蕭山縣昭慶寺夢筆橋碑末署景祐五年承奉郎守大理寺丞知縣事苗振重立則辛卯當為皇祐三年上距景祐五年戊寅已十四

年不知久在浙江作何官云云攷振以召試館職被黜後以列卿知明州熙寧中卒以墨敗亦可戒矣常鼎無考是刻與下小龍湫題名俱不書甲子當與遊石門洞時相去不遠

常寶臣等小龍湫題名

常寶臣

苗伯起來鄭

公文會處

徐引之按右刻在小龍湫潭旁石上三行首行三字次五字次四字正書徑七寸許首行常寶二字次苗伯起三字次公文二字尚可認餘俱沈埋泥土中剔洗出之余按伯起乃苗振之字明欵人王

獻芝游記載此刻作黃伯起誤

劉述飛霞洞題名詩刻

重刻孫謝二公詩

吳興劉述

漢興文藝推儒首諫議才

能□□師更向謝巖鐫

麗句清風千古照江湄

皇祐四年十月十五日

右劉述題名詩刻在永嘉飛霞洞韓奕題名碑之
右崖上六行行四字至九字十字不等正書徑二
寸七分孫同元永嘉聞見錄云字跡模糊難以摹
認其可見者僅重刻孫謝二公詩吳興劉述漢文

藝推儒首諫議才能師更向麗日清風千古照等
字余訪揚攜歸懸之齋壁悉心辨認較孫錄所釋
多一十五字止缺二字耳第五行麗下乃句字孫
以爲日字亦誤攷宋史劉述字孝叔湖州人舉進
士爲御史臺主簿知溫耀真三州提點江西刑獄
累官都官員外郎改荆湖南北京西路轉運使再
遷刑部郎中神宗初召爲侍御史知雜事授吏部
郎中兼判刑部出知江州提舉崇禧觀卒此詩題
字云重刻孫謝二公詩其首句云漢興文藝推儒
首未知其所指何人詩亦無存不敢臆斷次句云
諫議才能□□師當指謝諫議泌詩已錄前此或
是劉君補刻也

東國金石志 卷之三
鄭詳法成龍鼻洞題名

僧法成

鄭詳再來

右在樂清雁山龍鼻洞左壁兩行正書首行字徑二寸七分次行字徑二寸九分僧法成見十二卷葛逢石佛洞題名碑時在熙寧乙卯林季仲竹軒雜著劉知言墓誌銘云君之配鄭氏故中散大夫詳之孫則鄭詳係劉舍人之妻祖當卽其人也

孫詒讓案鄭忠愍剛中北山集附錄何耕資政殿學士鄭公墓誌云金華之祖伯藥生三子克從克允克明克從之子詳仕至中散大夫公克允之曾孫也是詳乃金華人卽鄭忠愍之從祖也北山集

又有跋中散留題云元祐中某爲兒聞伯祖中散嘗宰樂清至大觀中叔父承議宰平陽紹興五年某爲州幕吏蓋三世仕官於溫矣六年秋過雁蕩龍鼻石閒有中散書一十三字刻於巖壁雖百年猶新也再摹於石煩今樂清宰栝蒼季公立於靈巖寺按忠愍所見十三字之題蓋在此題之先故此有再來之語今十三字之題與忠愍重摹之石並未訪得未知存佚又据忠愍跋則詳嘗宰樂清萬厯温州府志宋樂清知縣題名無鄭詳而別有鄭子詳注云皇祐四年蓋卽鄭詳之誤此刻蓋亦皇祐閒所題自紹興六年上溯皇祐四年凡八十五年忠愍跋十三字云百年者約舉成數耳

東國金石志 卷之三
廣福寺石塔殘刻

廟□主法可書也此建塔以□

法□可書也信上人身緣佛

氏能有所爲是自述職焉

耳於佛其有功乎故書時

大宋皇祐甲午春二月望日郡

□□程記郢人兼刊字劉□

□錄男女弟子捨錢玉衡

□經陳原普馮珣楊奕盧

□燕□保胡正郭政郭□

□盧十三娘陳七娘陳八娘

□十娘劉二十娘陳□□□

廣福寺石塔題字在永嘉四十八都芙蓉山塔凡
六角 國初傾圮僅存一截面面有字謝君文波

拓其一面見示惜未得其全皇祐甲午卽至和元
年是年四月始改元故二月猶稱皇祐六年也

僧利卿井闌石刻

開元寺僧利卿

謹捨淨賄壹拾叁貫文有

餘重修義井一口并置井

闌發砌等所期福利上答

四恩下資三有者

時至和元年甲午歲十一

月二十七日題記耳

右僧利卿井闌上石刻在永嘉積穀山下今東山書院謝公祠前半在牆內半在牆外居民公汲故曰義井義井二字甚古題字七行正書徑二寸八分凡六十一字首行六字五行七字七行八字餘四行行十字永嘉聞見錄云淨賄二字甚新淨財屢見唐宋石刻淨賄罕見又云題記下耳字可笑然檢唐宋人捨塔等刻石題字嘗用耳字作收大概相沿成習不求甚解也四恩國主父母師長檀那三有欲有色有無色有見明陳士元象教皮編陳求古等飛霞洞題名碑

題

至和二年歲次乙未夏六月
下旬休新釀粳熟佳果探成

名

清泉可漱芳樹堪倚郡守陳
求古率通判王希顏邑令孫
奕台幙陳確從事趙頡杜仁
壽會于巖石之上醉書以記

孫詒讓按右刻在積穀山飛霞洞正書題額二字徑四寸許文五行字徑三寸許遒勁似顏清臣孫氏星衍震宇訪碑錄亦箸於錄陳求古字師之閩州曲水人同中書門下平章事文惠公堯佐之次子見歐陽脩居士集陳文惠公神道碑慶厯閒以駕部外郎知温州見萬厯郡志秩官門至和初蓋猶在任故有此題孫奕至和元年知永嘉縣亦見萬厯郡志萬姓統譜載奕字景山閩縣人登進士

歷知南陵海陵吳封邱縣呂誨為御史中丞薦為
臺推遷監察御史論新法為鄧綰所劾出監陳州
酒稅陳襄知杭州辟為僉判元祐初除福建轉運
使費衣梁谿漫志載東坡臨安石屋洞題名亦有
奕名蓋亦元祐勝流也台幙者玉篇中部幕亦作
幙孫同元永嘉聞見錄云處州麗水南明高陽洞
亦有郡幙劉輔之題名可以互證梁章鉅浪跡續
談云台幙猶今人之稱憲幕耳詒讓按趙昇朝野
類要幕職條云僉判司理司法司戶錄參節推察
推節判察之類此台幕陳確不知其為何官也此
碑舊為妄人用塼瓦於其外作一神龕故郡志所
載碑文二年下奪歲次二字台字下奪幙陳確從

事趙頡杜仁壽十字孫氏始從故家得搨本全文
讀之今其龕已廢全碑露出可搨矣碑內書報作
報从乘則古所無也

按此碑題名二字橫列大徑七寸許文作六行每
行十一字字徑三四寸不等孫孝廉所述尙有小
誤今正之幕亦作幙金石萃編澹山巖題名有永
幙項隨又云軍事推官項隨或云郡從事項隨皆
同實而異名又太常博士通判軍府事張子定興
慶寺禊宴詩序云子定濫遊幙府王梅溪僉判紹
興民事堂賦序某備員越幕是幙即幕官之稱均
可互證文獻通考宋元祐令京府判官至軍監判
官為幙職官皆從八品又有推官書記支使錄事

之屬或奏文或自辟除通判以下皆得稱幕官推官從事與今之經歷照磨相類非幕友比也浪跡續談以台幕爲猶今人之稱憲幕亦未深考竊意郡幙爲本郡幕官台幙爲台郡幕官耳

王孝和等仙巖題名

郡守王孝和

屬吏周允言

褚理韓奕吳

濤至和二年

九月十六日遊

文僑按右刻在瑞安仙巖雷潭頂東偏下百餘步橫石上五行四行行五字一行六字正書徑六寸

二分王孝和以虞部外郎知温州韓奕知永嘉縣郡邑志均誤作嘉祐元年吳濤至和元年知瑞安周褚二人列知縣上當是推官參軍等職志蓋失之

孫詒讓案吳濤字德劭崇仁人環溪居士沆之兄見環溪詩話

鄭廣等飛霞洞題名

至和二年十有二月望日

鄭廣王奎軫林瑾沈珙同

飲餞陳象古姓知本知讓

詒讓按右刻二行在永嘉縣飛霞洞正書磨崖字迺勁與陳求古題名同象古爲陳文惠少子求古

弟也官太常寺太祝積階右宣德郎見居士集陳文惠神道碑及范祖禹范太史集右班殿直陳氏墓誌知本求古子見求古大滌洞題名姝玉篇女部或音逸與姪同

按右刻三行非二行正書每行十字字徑三四寸不等在飛霞洞題名碑之左旁崖上與題名碑字迹相同當是一人手筆又按趙清獻公集有贈鄭賡高士詩五律一首時清獻公子帆通判温州就養來甌往還贈答之作詩云易有幽人象天垂處士星知音辭相府歸養爲親庭閒和碧雲句深窮白首經惟賢二千石優顧眼尤青注云杜祁公范文正公昔留門下後以思親辭歸攷郡志隱逸傳

鄭泰臣永嘉人遊京師見知於杜祁公范文正公款待甚厚一日思親遂辭歸等語與趙公詩注合則泰臣疑卽鄭賡之字今云鄭泰臣而不著其名亦似疏略王奎軫等三人則不可攷矣

韓奕飛霞山題名

丙申閏三月十四日永

嘉令韓奕尉刁縞進士

鄭前石不疑同游謝岩

右刻在飛霞山麓石磴旁磨崖三行行九字正書徑六七寸不等韓奕永嘉令見前尉刁縞郡縣志失載鄭前石不疑皆不可考丙申宋仁宗嘉祐元年也

東國金石志卷之三
張瓌大龍湫題名

張瓌唐公遊芭蕉單煥

文儁按右刻在樂清雁山大龍湫後絕壁苗振題名之左一行五字字徑一尺五寸四分下二行四字平列在遊字下字徑六寸六分均正書張瓌見宋史滁州全椒人字唐公及第除秘閣校理同知太常禮院判吏部南曹爲開封推官歷知洪州兩浙運使知穎揚二州就拜淮南轉運入修起居注知制誥出知黃州英宗時進左諫議大夫侍讀學士復出知濠州歷應天河南河陽卒年七十斯游蓋在爲兩浙轉運使時當至和嘉祐間故附於仁宗之末芭蕉二字不知所謂雁山西外谷有芭蕉

洞單煥疑山中人導游者齊梁閒亦有張瓌字祖逸吳郡吳人爲吳興太守見南齊書今之題名兼書唐公者所以別祖逸也

李復圭雁山題名兩種左文

行部來

李審言

右刻在雁蕩大龍湫潭旁巨石上左文正書徑五寸五分

李復圭來

右在龍鼻洞左壁正書徑二寸餘李復圭字審言宋史附李若谷傳徐州豐人慶厯初與兄壽朋同試學士院賜進士出身歷湖北兩浙淮南等六轉

運使熙寧初進直龍圖閣知慶州此遊蓋亦在爲
兩浙轉運時也

東甌金石志卷三終

東甌金石志卷四

嘉善 戴咸弼 鼇峯 纂緝

瑞安 孫詒讓 仲容 校補

宋二

陶山寺井闌石刻

陶山寺彌陀殿後重建井記

聖宋治平二年太歲乙巳十二月二十六辛亥日立
全式六面石井欄一所具錄捨錢施主名銜如後

檀越主張可久繆瑀張度張口藏業祥方巽張杲張

鵬張訢謝核張昂馮繼宣繆珍李濟李潮李倚鄭再

張初黃湛丘願吳連瞿十八娘吳堯張從業八娘鄭

感伍德鄭度曾懷陳惠業賀戴珣陳九娘繆憲黃猷

東園金石志 卷之四
吳足張二十一娘鄭十六娘郭八娘任二十一娘張
十二娘五伯文謝七娘張二娘劉四娘各捨二伯文
王十三娘胡亨張五娘劉十七娘張六娘任昉任襲
任珂任壽任聳任華張腋孫宗潤孫遇林赦婁罕婁
文泰婁齊劉遠程昌期楊安繆閩林漢林隘劉晉唐
贄許願王幹劉積中林師保曹狗兒陳剩以上各捨
錢一伯文宣懺訖福延

今上 皇帝聖壽州縣官班六軍萬姓四恩三有恭
願入會信人同獲福利共布後因謹錄 匠人杜暹
此井并闌計錢九貫文勾當僧道捐助緣行者二安
二崇

右第一面

寺主惠慎

二百文

前資德盈表白有徽

皓孜居淑德贊元傳澄滿澄操惠璉澄贊

有隣齊理了白惠問文實惠新澄侃宗賁自評

齊寶常費用參□□□齊玉

清遇思靜

已上各捨錢一伯文

有光昭簡惠璘廣良洪梵道欽□

惠嚴利罕善栖志澄處才

已上各捨錢五十文

右第二面

孫詒讓案右重建井闌記在陶山寺大殿後其井
相傳卽陶隱居丹井遺跡石闌凡六面高約三尺

東國金石志卷之四
餘惟兩面有刻字半沒於土命工扣出拓之乃得
其全字徑一寸額橫書十一字記文共十五行前
半皆捨錢人姓名未附記語文義淺陋字畫亦拙
率蓋石工所爲第十二行福延今上今上字跳行
福延下空處有周八娘男張德懽爲父朱十九郎
捨五伯文一行蓋刻成後補鐫者攷錢氏大昕四
史朔閏表治平二年十二月丙戌朔此記立於二
十六日辛亥與表正合葉祥葉卽葉字唐人避諱
多如此作此刻在北宋時亦偶承用之張警警卽
辯之俗作北史江式傳載式表云世易風移文字
改變俗學鄙習復加虛造乃曰追來爲歸巧言爲
辯宋祁景文筆記考古篇亦云後魏北齊時里俗

作僞字最多如以巧言爲警隋有柳警傳又以玃
易巧矣予見佛書所言辯多作警世人不復辨詰
景文此說則辯之作警又俗書中之譌體也廣韻
二十
八彌辯下重文有警字
則又誤以巧爲功矣

劉公舒湖濱山題名

劉公舒湖濱山題名

劉公舒湖濱山題名

劉公舒湖濱山題名

右刻在樂清湖濱山劉公谷壁上篆書三行行六

字徑五寸四分谷爲山之勝處迴崖杳嶂亭已無

存惟有水流雲影而已治平丁未英宗四年也

孫詒讓案四史朔閏表治平四年四月戊申朔己

東國金石志 卷之四
西其二日也周禮天官序官園游亦如之釋文游
本亦作游是游游字通故此亦以游爲游矣
趙羲之鳳凰巖題名

東洛趙羲

之累游

熙寧改元

清明日題

右題字在平陽鳳凰巖二行七字正書徑四寸年
月兩行小字分注游字下徑二寸六分

觀音寺石塔題記

温州瑞安縣清

泉鄉周湖東保

女弟子陳氏十

八娘并男葉琮

珣璣新婦朱五

娘何二娘韓六

娘闔家血屬等

同發淨心建造

千佛一塔第一

層永立福利者

熙寧元年六月

二十一日書耳

右第一層第一面佛象下題字

佛一身林四娘答四恩造 佛二身金再並妻任十

四娘造 中尊女弟子陳氏十八娘造 一尊韓六娘造 一尊葉大娘造 一尊葉二娘造 一尊葉社智造 一尊葉益智造 一尊葉奔智造 佛三身姚恩造林僧勝李廿四娘造

右第一面計四行

佛三身魯亨張伯孫吳賀造 中尊女弟子朱五娘造 佛三身徐十二娘爲母池十二娘劉廿四娘會首朱四郎林安昌并妻陳三 佛一身范宗政造 佛四身趙師保并妻姚六娘造 佛一身季環并妻李六娘造

右第二面計四行

佛一身丁二十娘造 中尊女弟子何二娘造 佛四身房二娘吳九娘王二娘蔡智造 佛一身陳十二娘爲七母造 佛五身比丘晏平答四恩三有造 佛一身童行利韶造

右第三面計三行

佛池九娘徐丑爲考造 大聖葉琮造 一尊葉三娘造 一尊葉才智造 佛一身童行可親爲在堂 陳十二娘造 佛三身陳神救陳蓋□爲 佛二身陳果并妻朱十六娘造

右第四面計四行

上缺 佛一身王十一娘造 中佛□□葉璣造 佛一身會首林四娘造 佛一身戴仁罕宋一娘造 佛一身宋一娘爲亡母葉五娘□ 佛一身陳

東園金石志 卷之四
二十娘金九娘趙十五娘朱十二娘金一娘各造寶

右第五面計三行

中尊弟子葉珣造 佛一十二身當院行者道高造
各刊所爲 佛三身答四恩三有法界冤親 佛二
身爲先考陳三十三郎 佛二身爲先妣朱四娘
佛二身爲亡故周四娘 佛一身爲亡兄六郎 佛
一身爲亡兄七郎 佛一身爲亡弟十郎願同生淨
土者

右第六面計三行

温州瑞安縣清泉鄉代石南保弟子賈恩并男陳四
副公新婦邵氏六娘 黃二十五娘孫子元正真香

滿香文透吳公佑等施淨財造塔一層永彰福利者

右第二層第一面計二行

又施淨財造

佛六面共七

十二身奉爲

七妻張一娘

往生淨土

者熙寧

元年戊申

十一月誌耳

右第二面佛象下題字

清泉鄉丁田上保

東國金石志 卷之四
弟子陳再男女

等捨錢二十貫造

佛塔第三層薦

亡妻林一娘往生淨

土熙寧二年二月記

右第三層佛象下題字

女弟子倪十五娘造佛一身

童行元口爲亡考鄭十八郎捨佛一身

右二行不知何層殘石皮置寺牆旁并拓之

右石塔在瑞安十一都周湖觀音寺仲容比部錄

示其下三層題字凡六面第一層六面並有字第

二層止一面有字均熙寧元年造第三層熙寧二

年造亦止一面有字第四五層並高不可拓此塔

俗稱觀音塔塔閒徧鑄佛像第一層所記皆葉氏

眷屬所造

仙巖彭城執中題名

左文

僧處元來

彭城執中同

右刻在瑞安仙巖龍鬚潭前巨石上左文二行首

行五字次行四字正書徑六寸二分處元宋沙門

永嘉人府縣志仙釋有傳

孫詒讓案處元北宋永嘉僧此彭城執中與同遊

疑卽劉彝也宋史彝傳云字執中福州人第進士

爲邵武尉調高郵簿移朐山令熙寧初爲制置三

東國金石志卷之四
司條例官除都水丞爲兩浙轉運判官知處州加
直史館知桂州貶均州團練副使元祐初復以都
水丞召還卒據萬厯府志彝治平間嘗通判温州
本傳不載蓋偶遺闕孔延之會稽掇英集載彝所
作悼賢詩序亦云熙寧已酉春余倅永嘉就移湖
北蓋以治平末履任至熙寧已酉始移湖北此題
當卽在其時執中雖貫福州而劉氏望出彭城故
以自題猶前錢鏐謝客巖題記自稱彭城輔軒也
咸淳毘陵志載宜興天申宮邵必書張公洞三字
自題太守丹陽不疑所書亦以鄉貫及字代姓名
與此畧同蓋宋人題名自有此例矣

任達等飛霞洞題名

左文

戊戌八月二十八日題

郎齊景倩遊此熙寧庚

書郎黃賁通判尙書外

達按部永嘉同郡守尙

提點刑獄度支郎中任

右刻五行行九字字徑四五寸不等左文正書在
永嘉飛霞洞側錢鏐題名篆書之右兩崖相附麗
稍偏向東苔蘚剝蝕爲前人所未見余初得此刻
於日光中諦視之見有字跡遂搜剔出之乃熙寧
庚戌提點刑獄度支郎中任達等所題因命工用
意椎搗僅見十餘字攜歸審視三數日十得七八
因於郡志職官中就其字體相近者反復推尋而

得黃賁齊景倩二人齊字以下數字止仿佛其半
寧字戊字俱隱約不可辨永字亦不見惟於嘉字
上尙存鈔剔半筆堪以意會永字上尙有按部二
字細審可見四十五字竟無關文幸矣任逵履貫
無考其爲兩浙提點刑獄竇正通志不載可藉此
以補其闕攷提點刑獄之官宋太宗淳化二年詔
轉運使司命常參官一人糾察州軍刑獄四年省
罷詔轉運司振舉之景德二年復置於是有諸路
提點刑獄事以朝官充以武臣爲副使又謂之提
刑司實監司之任天禧四年加勸農使天聖六年
悉罷仍委轉運司明道二年復置治平元年又罷
熙寧二年諸路提點刑獄復差文臣其武臣悉罷

蓋此職屢經廢置自熙寧以後遂爲常員不專以
刑獄爲事封樁錢穀盜賊保甲軍器河渠事務寢
繁權勢益重與轉運司並行矣度支郎中屬戶部
宋書百官志度支主算支派也度量也度支尙書
之屬有度支金部倉部起部四曹萬厯郡志載黃
賁熙寧間知温州軍州事其結銜稱朝奉郎守庫
部郎中此云尙書郎者尙書諸司郎官之通稱爲
從六品朝奉郎古無是階宋元豐更定官制始以
朝奉郎換後行員外郎左右司諫爲正六品階官
此刻在熙寧間故尙不以朝奉郎繫銜也齊景倩
熙寧間通判温州亦見萬厯志隋開皇中尙書諸
曹二十四司各置員郎一人宋爲正七品熙寧庚

戊爲神宗三年

淨光塔塼三種

熙寧壬子李二娘捨塼

右九字在塼之右方字徑一寸

大乘妙法蓮華經

右七字在塼之左方刻塔一座七級每級一字
右宋神宗五年淨光塔塼長一尺一寸四分闊七
寸五分厚一寸五分塔在永嘉松臺山巔初建於
唐元和中爲宿覺禪師真身塔賜名淨光宋太宗
賜寺額曰宿覺名山其後重建於熙寧五年卽此
塼是也每塼刻有一塔高約八寸或刻在左方則
其右方有年號及捨塼人姓氏其塔每級各有字

或刻一塔於塼之中心亦有塔字而無款又一種
塼正面有塔塔尖高三寸闊七分有陽文四篆字
似延年益壽然未敢信每級各有一字與前塼同
右二塼郭熙堂家所藏

重建淨光塔輓

前都孔目官胡拱捨

熙寧壬子七月日記

重建淨光塔磚

前都孔目□□□□

熙寧六□□□□□

孫詒讓案右淨光塔塼二藏余家塔在郡城松臺
山頂唐宿覺禪師瘞處明時圯斷殘塼數百年
來爲好事者所收所在多有此二塼皆得於郡中
前一種字尙完好爲熙寧壬子胡拱捨塼重建時

東國金石志 卷之四
記後一種文與前畧同而下二行各缺其半又前
塲王子爲熙寧五年此則六年也二塲皆上六字
大書餘十六字稍小兩行分注於下都孔目官者
陳耆卿嘉定赤城志吏役門載州吏自都孔目官
至糧料押司官凡十階謂之職級募有產而練於
事者爲之宋史職官志三司使亦有都孔目官則
都孔目官卽今之房吏也胡拱疑亦郡人今不可
考

沈括龍鼻洞題名

沈括

右在樂清雁山龍鼻洞左壁田瑜來右側之下正
書徑二寸四分括字存中錢塘人宋史附沈遘傳

云擢進士第遷太子中允加史館檢討遷集賢校
理察訪兩浙農田水利遷太常丞同修起居注擢
知制誥兼通進銀臺司爲河北西路察訪使尋遣
聘遼及還拜翰林學士出知宣州明年改知延州
元祐中徙秀州終光祿少卿分司潤州括博學善
文於天文方志律曆音樂醫卜無所不通皆有論
著又紀朝廷故實耆舊出處爲夢溪筆談傳於世
此遊不紀歲月而括蒼金石志載存中有石門高
陽兩洞磨崖皆熙寧六年十二月相違當不遠夢
溪筆談亦有論雁蕩一則與此刻可互證疑均在
察訪兩浙農田水利時矣

晁端彥丹霞山磨崖

東國金石志 卷之四

東國金石志卷之四
白鶴山頭飛瀑玉簫峯頂

生烟溪上空聞流水竹閒

不見真仙熙寧八年閏四

月十二日晁端彥美叔題

右題字在樂清白鶴寺左丹霞山張文君丹爐之
前左旁崖上楊景畧題名之左四行行十字正書
徑一寸三分端彥說之之父字美叔清豐人與東
坡同年及第嘗提點兩浙刑獄東坡在揚州美叔
以發運赴闕有詩送行紹聖閒爲秘書少監以直
秘閣知陝州提舉崇福宮改知潭州見施元之東
坡詩注萬姓統譜謂其文章字法朝野宗尙此足
見其一斑矣雁蕩山志亦有宋晁端彥詩不知在

温州何官抑係按部來甌張文君名鷹樂成人隱
居丹霞山家有苦竹數十頃鷹常居其中王右軍
聞而造之逃避竹中不與相見見永嘉郡記又府
縣志載文君隱居處時有白鶴飛翔故名白鶴山
相傳晉永和三年文君捨宅爲寺後得道日中乘
白鹿入竹仙去有玉簫峯鹿跡巖諸遺跡

孫詒讓案李燾續資治通鑑長編熙寧七年五月
晁端彥徙兩浙提點刑獄九年五月晁端彥衝替
待鞫於潤州因違法赴杭州同天節妓樂燕會也
十年正月追兩官免勒停据此則熙寧八年美叔
尙在兩浙提刑任蓋以按部到温州故有雁山白
鶴山諸題詠矣

東陽金石志 卷之四
楊景略丹霞山磨崖 左文

明年清明後二日又至

月二十二日

熙寧丁巳八

楊景略康功記

右題字在樂清丹霞山晁端彥題字之右左文四
行楊景略一行六字徑四寸次二行行五字徑三
寸三分又次一行九字徑二寸五分楊康功洛陽
人見東坡詩

孫詒讓案蘇頌蘇魏公集有楊康功墓誌云公諱
景略用祖偕蔭守將作監主簿治平二年擢進士
第元豐七年避親嫌知揚州移蘇州復徙維揚元

祐元年八月卒兩浙金石志載杭州龍泓洞亦有

景略題名題元豐己未在此題後二年

黃頌等龍鼻洞題名

黃頌

李广

右在雁山龍鼻洞左壁田瑜題名之上正書

孫詒讓案此刻無年月兩浙金石志載黃頌與楊
景略等游靈隱龍泓洞題名在元豐二年己未又
范成大吳郡志進士題名慶曆二年呂溱榜亦有
黃頌疑卽其人也

柳子春岑崎山題名

元豐初九月中旬

東園金石志 卷之四
因檢按到尉柳

子春題

文雋案右在瑞安岑崎山翠陰洞左壁三行行三字至七字不等正書徑三寸三分柳子春府縣志職官均失載翠陰洞宋人磨崖十餘種此爲最先所稱檢按未詳何事

周開祖湖濱山題名 左文

周開祖題

豐己未十月廿四日

奇長老來遊元

周思中同靈峰

楊子明李資道

右刻在樂清湖濱山劉公谷口劉公舒題名之前左文五行正書徑二寸五分開祖名邪東坡倅杭時周爲錢塘令後宰樂清乾隆府志誤列元豐前又增入周開祖名誤分兩人蓋據王梅溪集而不暇深考者也縣志不誤

孫詒讓案咸淳臨安志周邪字開祖錢塘人嘉祐八年登進士第熙寧間蘇軾倅杭多與疇唱軾後自密州改除河中府過濰州邪時爲樂清令以雁蕩圖寄軾後知吉州官至朝請大夫上輕車都尉考東坡次韻周邪寄雁蕩山圖詩自注有將赴河中之語與臨安志合王宗稷東坡年譜熙寧十年在密州住就差知河中府已而改徐州是開祖令

樂清在熙寧末無疑萬厯府志宋樂清知縣題名
開祖名下注熙寧八年是也據此刻則元豐二年
開祖尙在樂清故施氏蘇詩注引吳興向氏所藏
東坡次韻周開祖見寄詩墨蹟前題云次韻奉和
樂清開祖長官見寄後題元豐二年六月十三日
吳興郡齋作與此刻同在一年可以互證而萬厯
府志於開祖後別載蔣澈注云元豐元年又似開
祖於元豐元年已受代者以此刻及東坡詩注校
之疑萬厯志誤也

□公材等岑崎山題名 左文

履常公濟遊此公材題

辛酉季夏中澣日從

翠陰洞

文雋案右在瑞安翠陰洞右壁何文正題記之上
左文三行首行三字字徑四寸次行八字末行九
字字徑三寸六分俱正書履常瑞安令朱素之字
元豐二年任辛酉元豐之四年也公濟公材皆不
可考惟宋史文苑傳有楊蟠字公濟章安人萬厯
府志治行傳載蟠紹聖二年以承議郎知温州在
任二年民愛之如父母每遇佳景民老稚必問郡
守曾出遊否有後永嘉百詠 案仰忻著有永嘉百詠
詠故云後永嘉百詠
此公濟或卽楊公然楊公守溫在紹聖乙亥上距
元豐辛酉凡十有五年豈先以他官到溫遊此歟
瑞安志神劍洞一名翠陰洞深廣可容數十人宋

邑令吳達以神剡名之樹陰蔥翠盛暑生涼陳傅
 良因易名為翠陰今洞有大觀初祀神剡洞三大
 字磨崖而職官門稱吳達宣和六年任無論上距
 大觀初年已十有八載而元豐元祐諸磨崖已有
 翠陰之名止齋以高考閒人安有易名之事耶且
 如志言則宣和已前洞又何名耶意者本名翠陰
 大觀初年始有神剡之刻故慶元戊午君舉題名
 亦從之未可知也昌黎和裴度假山詩有洞若神
 剡有巖若天劃此二字所本

案吳達嘉靖瑞
安志作吳達

趙景仁朱履常岑崎山題名

左文

豐五年五月初一日同遊

趙景仁朱履常林介夫元

右在翠陰洞右壁朱履常絕句之後左文二行行
 十字正書徑二寸六分景仁名毗衢州西安人清
 獻公子由蔭登第通判江與温州代還為太僕丞
 擢監察御史父老請外以便養命提舉兩浙常平
 奉父徧遊名山人以為榮介夫名石瑞安人瑞志
 儒林傳少有志操天性至孝初習進士聲律既而
 曰古人之學不如是也遂沈潛諸經涵養德性王
 安石三經新義盛行石獨不為新學以春秋教授
 鄉閭及春秋為時所禁乃絕意仕進躬耕樂道由
 是永嘉知有道德性命之學築護堂以養母足跡
 不入城市時趙清獻拊與孫監司昌齡石守牧之
 李守鈞皆造其廬郡倅趙帆邑令朱素同拜其母

或偕石游山水開元符間母年百十九歲石年九十餘白首終喪不渝禮節建中靖國元年年九十入無疾而終世稱塘奧先生

孫詒讓案陳文節止齋集石岡斗門記云元豐四年郡丞趙屺景仁行縣與令朱素履常隱士林石介夫賦詩記事則有觀石岡斗門之作此題在觀石岡斗門後一年蓋亦行縣過此塘奧一時巨儒而與趙朱同游題詠稠疊足徵兩君之賢矣景仁宋史附清獻傳後書其名爲屺云由蔭登第通判江州温州與止齋集不合攷趙清獻文集有十八男屺自溫倅迎於雁蕩詩東坡集清獻神道碑亦云子屺通判温州從公遊天台雁蕩又云子二人

長曰屺終杭州於潛縣令次卽屺也是景仁塙是名屺萬厓府志治行傳趙屺元豐二年以大理評事通判温州不誤且清獻二子其一各屺亦無所謂屺者屺字景山見文同冊淵集趙秘書墓誌宋史之誤無疑

趙景仁岑崎山題名

趙景仁遊

翠陰洞

右在翠陰洞左壁柳子春題名之右二行正書徑二寸四分

趙景仁岑崎山磨崖詩

左文

趙景仁題

搖毫靜坐發清吟

偶約騷人同此樂

洞穴嵌空透碧岑

洞門喬木畫陰陰

右在翠陰洞右壁神剗洞三大字之次左文詩四

行字徑二寸九分款一行字徑二寸三分正書

李公秉趙景仁仙巖題名 左文

同遊記

趙景仁

李公秉

右在瑞安仙巖梅雨潭前巨巖之陰黃槩題名之

左左文三行行三字正書徑三寸三分公秉名鈞

元豐中以朝請大夫知温州

孫詒讓案蘇轍欒城集李鈞壽花堂序云尙書郎

晉陵李公秉爲南都通守是公秉卽李鈞字之證

鈞慶厯二年進士見史能之咸淳毘陵志嘗與穎

濱同官贈答最夥蓋亦當時勝流也

盛居先岑崎山題名

元豐癸亥中秋

邑令盛居先遊

右在瑞安翠陰洞右壁趙景崇題名之後二行行

六字徑三寸三分攷瑞志職官有盛勝仲元豐三

年任癸亥乃六年居先或卽其字也

證覺院鐘款 上下八區高廣不計

勅賜□□□恭爲祝延

今上皇帝聖壽福及郡縣文武
官僚六軍萬姓鑄造鴻鐘一口

皆元豐七年六月初一日誌

右第一區

當院比丘靈晟施淨財鑄造銅鐘一口所鳩鴻福上
答四恩下資三有及法界含生俱霑妙利者

右第二區

已下第三第四區僧
名及助緣姓氏不錄

縣尉王丙

主簿張廉

宣德郎知永嘉縣事周革

朝奉郎通判温州軍州兼管內勸農事輕車都尉賜

緋魚袋唐 設

朝奉大夫知温州軍州兼管內勸農事上輕車都尉

借紫姚原古

右第五區

其第六區施錢
姓氏三行不錄

孫詒讓案右鐘在永嘉十三都鴉頭頸村密印寺
俗稱頭陀寺 鐘鈕閒界為八區其二區無字第一區云

勅賜證覺院云云舊府志寺觀門無證覺院未詳

其所在

近謝君文波所得證覺院浴堂
記即此二字則當在相溪矣

國初時瑞安林法幢宮詹增志削髮於密印寺購得

此鐘見本寺周止菴副憲應期所作碑記光緒庚

辰五月詒讓遊密印寺見此鐘手拓其文讀之勅

賜下證覺院三字已為寺僧磨去滌塵諦審其字

跡尚約畧可辨第五區列温州郡守以下官僚銜

東陽金石志卷之四
名以舊府縣志考之元豐閒有郡守姚元吉以朝散大夫知蓋卽姚原古之誤原元音同古吉形近故致譌舛當據此鐘正之通判唐毅永嘉令周革並見郡志簿張廉尉王丙並郡縣志所無當據此補錄也

坑下村石橋題字

元豐七年甲子十月日永親記耳

右石橋題字在永嘉四十七都坑下村楷書

趙景崇等岑崎山題名

左文

張師儀遊此試茶

彥昭丙寅季冬邀

趙景崇彥升彥章

右在翠陰洞右壁神剗洞三大字頂三行左文行七字行楷書徑三寸三分彥昭名霄瑞安人師事程子博學通古今善論天下事少孤季父析其產與兄異財稍長悉以屬兄遊京師入太學登崇寧癸未第主長葛簿遷濟州教授誨學者以身體力行不專事科舉東方士習爲之丕變名聞京師召處辟雍李彥立一見稱爲趙顏子大觀三年卒於官終承事郎邑志儒林有傳景崇無考疑卽彥昭季父彥升彥章或其兄也丙寅爲哲宗元祐元年孫詒讓案趙善璠自警編云政和閒溫人趙彥霄當作彥昭兄弟二人父母服闋後同爨十二年兄此誤下同彥雲惟聲色博奕是娛彥霄諫之不入遂求析籍

東園金石志卷之四
是彥昭兄字彥雲此彥升彥章蓋其從兄也許景
衡橫塘集有代家兄祭趙彥章文云我家諸甥森
然比肩秀特而文孰如子賢又有趙表姪出先德
彥章詩卷詩則彥章於許忠簡爲中表兄弟亦佳
士也惜其名不可攷

吳君平飛霞洞題名

令吳君平

常父遊

元祐二年丁卯冬

至後一日叔賢侍

右刻在永嘉飛霞洞內題名碑之右崖上字徑四
寸許行書筆勢翔舞後二行字徑一寸許叔賢當

卽吳君之子侍字偏右畧小又大字中間有辛酉
十月廿八河南八字殘刻以下不可辨竊疑先有
是刻下一行爲吳刻所蓋耳君平令永嘉始建縣
學見通志

孫詒讓案吳君平錢塘人見杭州石屋洞題名皇
祐元年登第見咸淳臨安志進士表萬厯府志宋
永嘉知縣題名君平名下注云元祐元年

莫和中飛霞山麓題名

提點刑獄莫口中

知軍州事劉德父

通判張資深知永

嘉吳常父同遊

東園金石志卷之四

東園金石志卷之四
元祐三年閏十

二月十六日

右刻在飛霞山麓正書三行行七字第四行六字未行低一字畧小前四行字徑三寸六七分莫字下石泐半寸僅存左邊一勾剔右邊正當泐處疑其爲莫和中考湖州府志藝文畧有莫君陳字和中元祐時人權刑部郎中授知婺州意其爲提點刑獄時按部來溫而留此題歟考浙江通志哲宗時並無莫姓者爲提點刑獄蓋偶失書又考萬厯郡志元祐閒知軍州事有劉斲以朝請大夫知當卽德父通判有張逢當卽資深其名與字義正相應吳常父已見前洞內題名此刻又見孫兩人學

博聞見錄中

孫詒讓案羅願鄂州小集劉豐國行錄云其先自廬陵遷袁之新喻秘書監立德生斲官大中大夫厯守淮揚池睦溫始居揚州則德父袁州新喻人也

林介夫鮑誨翁岑崎山題名

林介夫

鮑誨翁

己已遊

右在瑞安岑崎山翠陰洞左壁三行行三字正書徑四寸二分己巳元祐四年介夫見前誨翁未詳孫詒讓案葉水心集朝散大夫鮑瀟墓誌云曾祖

東區金石志卷之四
極宿州教授有聞熙豐中翰林學士梁公燾銘其墓祖誨梁公銘所謂有隱德東南士人器重之者也此鮑誨翁疑卽鮑誨之字也

何文正岑崎山題名

邑尉何文正公院

檢估曾宿此一宵

時元祐四年六月

十四日寫記歲月

右在翠陰洞右壁周及善等慶元三年題名之上四行行七字正書徑一寸六分何文正志失載山前有寶壇院元祐閒建此云公院檢估疑卽疆理是役也

李仲誠岑崎山題名

左文

元祐四年八月十一日

遊熙志侍行

李仲誠

右在翠陰洞右壁戊午瑞慶節陳君舉題名之上左文三行李仲誠遊四字字徑三寸六分熙志侍行及年月字徑一寸六分均正書仲誠未詳何許人熙志必其子姓

孫詒讓案萬厯府志宋瑞安知縣題名有李公厚注云元祐四年此李仲誠疑卽公厚也

溱下石橋題字

皇宋元祐四年歲次己巳十一月初一日行者有偁

東陽金石志 卷之四
募緣造

右石橋題字在永嘉三十四都濠下

淨光塔塼五種

□鍾氏一娘施塼一

造塔爲考妣二親

時元祐五年五月日

溫而栗重不泄不爲砥礪爲翰墨守不假人永終
吉小果項瑞製於壽石山房 此宿覺禪師眞身
寶塔在松臺峯頂鎮三溪之水高出城表常有五
色雲覆其巔刺史朱褒奏其事唐僖宗賜名曰淨
光塔明宏治閒郡守文林毀之遺塼散失久矣道
光戊戌余與同人有松臺之遊偶得宋元祐重建

之塼琢而爲硯并識之示不忘云

孫詒讓案右永嘉淨光塔殘塼硯爲項小果舊藏
自作銘刻於硯端并記得塼始末今歸於余小果
爲果園處士維仁子精篆刻酷嗜金石文字聞訪
揚温州古刻甚富卒後所藏散佚不復可收拾矣
□妻鍾氏一娘闔
一千片造塔奉答

祐五年五月日題

孫詒讓案右淨光塔殘塼藏瑞安徐岳樵茂才家
與余所藏均元祐五年作而文微異

弟子何仲參并闔家

塼二□片建塔式薦

同生淨土元祐五年五

右一種亦孫孝廉所藏缺其下半何仲參又見後

嘉福院浴鑊題名

大乘下缺

上缺
張六娘奉爲

□令鄧國公

孫詒讓案右淨光塔殘塼平陽祝氏所藏已琢爲
硯右方爲一浮圖形中有大乘二字以下斷缺左
方別爲方匡與右方浮圖偵到相對匡內有殘文
二行首行存張六娘奉爲五字次行存令鄧國公
四字上並缺攷宋史張士遜傳士遜家陰城寶元
初以門下侍郎兵部尙書入相封郢國公請老拜

太傅封鄧國公致仕卒贈太師中書令謚文懿此
鄧國公當卽士遜令上蓋缺中書二字張六娘必
士遜諸女或諸女孫隨夫官温州故爲祖父施塼
脩塔追薦也

李子陵并母王十一娘妻吳二十八娘男

新婦孫二十四娘同捨寶塔塼一万片

□故李九郎前妻余二十一娘往生者

右塼上缺數字孫蘭卿茂才家所藏亦係淨光塔
塼也

東甌金石志卷四

東甌金石志卷五

嘉善

戴咸弼

鼇峯

纂輯

瑞安

孫詒讓

仲容

校補

宋三

朱履常岑崎山磨崖詩 左文

深

陰洞門雖不鎖誰測洞中

松桂擢危岑烟雲晝亦

方信白雲深 和

蘿翠復陰遊人曾到不

成短詩小洞隱遙岑松

介夫□岑同遊翠陰洞

辛未未伏後兩日履常遇

文僑按右在瑞安岑崎山翠陰洞右壁鄒鉞書翠陰洞三大字之頂左文八行四行行九字二行行十字一行六字末行一字正書徑二寸二分辛未元祐六年岑字上一字似宋字而義不可通或是來字未能定也至是而履常介夫岑崎題名各已三見介夫年當八十又八矣濟勝具不遠過人哉孫詒讓案第二詩首著一和字蓋介夫和履常作曾唯東甌詩存錄塘奧詩止二篇此可以補其缺鐵井闌題字

元祐辛未僧子暉將楚環陪庫錢銀做此井依明堂所置

按井在郡城東南隅興文坊小巷內俗名鐵井闌巷口有鐵井名泉四字額井口四圍用厚鐵鑄成大圓井闌口徑五尺下徑七尺圍一丈六尺高二尺五寸厚七寸上有元祐辛未云云二十三字孫兩人學博永嘉聞見錄云鐵久剝蝕字多模糊約畧摹寫恐有錯誤蓋以目驗得之者而字之大小每行若干字均不著錄其時在道光中葉今又三十餘年不知何人於井闌外復用青石周圍甃成大圈字爲石掩不可得而見矣攷辛未爲哲宗元祐六年阮相國兩浙金石志亦未載入井有內外二圈此題字在闌外別有南宋題字在闌內可摹揚詳後第八卷

張文君丹爐內題記 左文

元祐□申二月十六

□中謝國□會飲雙瀑

仙溪劉□□□新信

□□松賢鄭景仁毅

□□□字□與林□禮

右在樂清白鶴寺左丹霞山峭壁之下天然一丹

爐也其體正圓口大如元祐鐵鑊而稍殺四之一

中窪底斂側立巖旁石色赤如丹砂中有元祐題

記五行行約十字許正書其剝蝕處不可識僅存

二十九字疑是左文元祐下當是壬字新字上似

叔似馭雙瀑在丹霞簫臺兩山峽中分流而下望

如雙玉虹下為金星溪以文君得名

嘉福院浴鑊

金剛解穢真言唵縛日囉薩帝吽薩訶淨水沐浴身

心真言唵揭吒嗎嗎清信弟子劉化晟并男淑敏男

秉文閣家等謹施淨財鑄造浴鑊一口捨入嘉福院

求充無礙浴室中所集福利式薦亡妻陳十七娘

周姐生界者建造浴院弟子何仲參勸緣當院主首

沙門宗式旨皇宋元祐七年歲次壬申十一月初九

戊子日制勝火燄峯重參萬七千勛

梁章鉅雁蕩詩話能仁寺為雁山一大道場宋僧

全了初入山結菴于此咸平初賜名承仁寺政和中改名能仁寺我朝順治九年乾隆十九年兩

經修整今俱傾圯僅存大殿三間其右有曇花菴雲巖菴嘉福院並僅存舊址地上有大鐵鑊修將倍尋廣亞之腹內有鑄字約畧可辨云清信弟子劉仁晟謹施淨財鑄浴鑊一口捨入嘉福永充無礙浴室時皇宋元祐七年歲次壬申十一月此兩浙金石志所未收古今人亦從未有歌詠之者惟朱文定集有七古一首詩云嘉福今不存所遺惟一鑊上有善信名畧識元祐作當時浴室無礙供或云遙制火燄峯於今蘚蝕土花碎飛沙烈日交磨鎔狡寇剽竊不一顧得壽乃過千石鐘由來物數自奇偶豈以有用為勲庸按鑊寬深可容十許人浴室不知何所用豈果洗身去垢之需又何以

必求無礙或云為遙制火燄峯者近是近余以雁蕩遊記寄劉燕庭方伯方伯謂此七百年來古蹟良可寶貴令搨紙以獻蓋方伯素嗜吉金款識因函致樂清尹蔡子樹庀工施墨雁山素鮮金石磨崖空山中忽得此登登種蠟之聲可為名山增一故實矣方伯既得搨紙遂以七古長韻寄題云丹芳嶺鎖雁蕩脊梵宮頽址烟霾積榛菅絡鐵閣以奄中有滃然天水碧伯鸞策杖一摩挲繆篆亦頗矜標格種搨登登遠相寄二十九字差可覈云是嘉福院落成浴室四圍盤以石勸緣弟子吳仲參宗武實主沙門籍清潔道場廣大教無遮無礙煩襟釋乃至無垢與無塵淨財肯吝黃金擲以沙浴

鐵鐵浴身十年可悟達磨壁以水浴鑊鑊浴心立證醍醐漱其液劉仁晟亦善男子鑄器特爲生界闕所惜長男名闕如秉文以外無可繹是時朝廷新法罷東南民力紆阡陌女中堯舜治七年以菩薩奠天下宅鄉曲喜事出贏資得斬福亦君之澤鑊修倍尋廣亞之恬熙想見饒金帛冬十一月穫稻豐召匠攻作正農隙太息青苗腴削時佛出難救斯民厄一鑊雖細可鑑古治亂所由在方策否則嶽廟二鑊伴蒼松君山一鑊峙江磧款識皆爲宋所遺彼教區區何寵惜奇情壯采可與朱文定詩相頡頏此鑊當益增不朽矣

文僑按鑊在樂清雁蕩山能仁寺右百餘步內口

圍三丈五寸一分外口圍三丈五尺八寸深約一丈餘底陷泥中不可測徑一丈一尺四分邊徑八寸厚八分腰圍二丈二尺七寸字繞腹內左旋魚貫橫行正書陽文高一分許徑一寸餘至二寸餘不等離鑊口七八寸至一尺餘亦不等鑊內水深六七尺瓦礫半之寺僧云水常年如此雖旱不縮勛金二字交界處及腰間有兩孔缺均長五寸許廣雁蕩山志能仁寺宋咸平二年僧全了建名常雲院四年寺僧進百寶塔賜名承天寺政和七年以禁中有承天寺改能仁寺嘉福院或爲承天寺子菴而志無可證字凡一百三十有四梁茵林中丞記其可辨者僅四十字蓋鑊高及肩又中涵汪

東國金石記 卷之三
五
濺遊屐所經未暇諦審故其所釋舛誤非一如沙
門宗式作宗武何仲參作吳仲參劉化晟作劉仁
晟並與拓本不合余游雁山宿能仁寺手自摹拓
審校竟日始得其全文其難辨者如淑敏周姐仲
參閣碍利式宗式等字漫蝕已甚畧存形似戊子
日已下則波磔胥平刻意冥搜頗費目力也嗚嗚
二字不可識當檢內典此二字去清信弟子空處
約可八寸其下疑尚有字雁山志引韓則愈記云
今寺燬惟存鐵鑊一口在荆棘中重二萬七千觔
乃宋時物僧云尙有一鐘重亦如之爲寇烹分不
存矣朱文定詩狡寇剽竊不一過得壽乃過千石
鐘蓋指此也鑊之僅存有呵護之哉能仁寺右有

火燄峯如鳳展翅奇石皆上炎色微紺剡剡如火
此鑊冶鑄年月日榦支於五行並屬水蓋卽取制
勝火燄峯之義明何白記謂或云取厭勝術以洩
鬱攸餘烈若蜀之刻石犀以鎮水怪蓋未諦審斯
款故尙爲存疑之論也文中永作來充作充皆作
旨皆別體梁中丞詩話承天作承仁亦誤

浴院見同治湖州府志金石畧湖州飛英寺浴院
記有同勾當知浴講僧名文內闡揚彼教浴僧之
義以爲能除七病冬用暖堂夏用涼堂開鉅鑪以
燥衣建大釜以化湯等語則浴院之設必有大鑊
且有僧以主之名曰知浴此記作於熙寧元年錄
之以資攷證

東國金石志 卷之五
孫詒讓案錢氏四史朔閏表汪氏歷代長術元祐
七年十一月庚辰朔此款云初九日戊子與彼正
合

僧思惠仙巖磨崖

左文

開戒壇

乾元寺僧思惠到此

皇宋元祐癸酉六月

右在瑞安仙巖梅雨潭前大石上左文三行二行
行八字一行三字正書徑二寸至四寸不等乾元
寺在永嘉華蓋鄉癸酉元祐八年

大龍湫題字殘刻

□宋元祐

九年四月

二十八日

右題字在樂清雁山大龍湫瀑布前正書徑三寸
首一行宋字之上已缺此刻爲近人大書深刻者
鑿去僅存三行十一字不知何人所題元祐九年
卽紹聖元年

大廣化寺石橋題字

弟子丘世通并妻黃三娘男亞瑪等同心造石橋一
所

奉荅

四恩三有者紹聖元年甲戌八月七日建

大廣化寺在永嘉五十一都字橫列左右橋眉書

徑五六寸蒼山謝文波茂才思澤錄示

麗塘井闌題字

元符

戊寅

八月□

□杲

捨米四

碩砌

孫詒讓案右井闌題字在瑞安一都麗塘道旁闌凡六角其三方有刻字每方二行行二字三字不等字大方三寸許戊寅爲元符元年捨米四碩碩與石同宋元石刻多作此字

張泌鳳凰巖題名

鄱陽張泌

幾仲因簿

書之暇侍

親來游

時壬午改元

仲春望日題

右在平陽鳳凰巖六行上四行字徑五寸二分年月兩行字徑三寸一分平陽志宋知縣有張秘武騎尉建中靖國元年任據此刻則秘是泌之訛壬午改元卽崇甯元年

岑崎山神剎洞題字 左文

東陽金石志 卷之五
月癸亥書

大觀初祀二

神剗洞

右在瑞安岑崎山翠陰洞右壁洞名三字正書徑
寸年月二行左文一行五字一行四字徑寸
不著姓氏未詳何人書大觀中未嘗改年稱祀此
蓋臨文偶變耳按岑崎山磨崖已上共得十一種
皆北宋時人合之南宋陳君舉等題名計一十三
種此山在縣東北二十里爲永瑞水陸通衢泊舟
塘岸數十武卽寶壇院院後卽翠陰洞宋人題名
可謂夥矣而前人記載闕如府縣志亦僅載洞名
磨崖詩刻概未之及以此見志乘之缺遺不少而

幽巖邃壑足跡所不到者更可知矣余於咸豐辛
酉冬籌防來此讀兩崖題句殆徧未及摹搨有詩
紀其事今又十餘年矣始得一甄錄如右林陳
諸名賢遺跡皆親書於石猶想見其淋漓揮翰時
也

明因院寶塔塼第一種

白崑山頂造塔塼 古元龜

文僞按右塔塼在瑞安白巖山文在側面十一字
兩開顛倒寫正書徑一寸一分大觀中邑令呂勤
以縣東南勢弱立塔以壯之爲颶風撼其頂震雷
復正因名雷震道場前明及國朝凡七修咸豐
辛酉秋金錢會匪倡亂平陽悉眾圍瑞安舉大礮

置隆山環攻十晝夜援至退走其始合圍也縱火
民居附城三里悉爲焦土塔亦被焚今院已興復
七層寶相未整舊觀而基身堅固塼壁完好蠟灰
剝處僅見側面文正面無由得見明因院志稱在
白巖山麓今廢

吳元禮墓誌銘

宋故吳氏三十五郎府君墓銘

宋故吳氏府君墓誌銘

橫陽桂嶺逸人濟南林根撰 浦城潘溱書并題
額

公濮陽郡諱承膺字元禮温之瑞邑義翔鄉小玉村
之良民曾大父隱大父憩父利標數世于茲逮 公

之爲人賦性敦樸尤善於家前人之田 公能闢之
前人之基 公能構之事父母致其孝友兄弟稱其
義育妻妾子孫甚慈待閭里鄉黨有禮 公有德如
此乃良民中一君子焉惜乎僻居薄俗不知學儒而
名不稱焉者也 公娶本鄉莒江村夏氏女頗有德
以相之生男五人長延玠次延延招延延峻延延杲最少宗
悟去俗而僧女二人長早亡次適夏仁舉孫六人宗
勝宗達宗穆宗衡宗養宗翊公享年六十有六歲卒
於崇寧丙戌之季春至大觀戊子孟冬初有八日甲
申安厝于金端山之陽右虛其宅期他日以夏氏夫
人合葬焉夫水之源深者則其流長人之積善者必
有餘慶 公生前有厥德而源之深矣慶未及身其

在於後乎孫宗達宗穆今知讀書更使相繼爲此不
已必有青紫來拜而表其墓者則土下之榮宜公
當之延玠狀公之行來屬銘根乃隣邑亦未親不
得再三辭銘曰

吳公最良 孝慈禮義 厥躬未名 後人之惠

銘德于幽 陰以昭示

福唐陳景從刊石

林用霖按宋處士吳承膺墓在泰順縣篠村鳳林
前山碣高三尺餘平陽桂嶺逸人林根撰文浦城
潘溱書丹文簡澀字瘦硬有古法

右宋處士吳承膺墓碣在泰順四都卽所稱小玉
村是也大觀二年其子延玠立石石連額高三尺

四寸廣二尺二寸十四行行三十三字字徑八分

上橫列宋故吳氏三十五都府君墓銘十二字正
書字徑一寸餘書多俗體而字畫完好當是新出
土者泰順在萬山中自明景泰三年始分瑞安之
義翔鄉羅陽鎮立泰順縣編戶一十八里瑞安十
二里以平陽六里益之與處州之景寧縣同時奏
立從兵部侍郎孫原貞請也邑人林君亨甫博雅
好古因余有金石之刻摹搨宋元明人石刻十餘
種郵示此其一也亟錄之以補其闕吳君爲瑞安
義翔鄉人据此誌吳君子五人孫六人惟孫宗達
宗穆知讀書雍正泰順縣志有重和甲戌進士吳
宗達官承典司馬宣和丁丑進士吳宗穆官黃巖

縣丞然萬曆府志嘉靖瑞安志並未載攷宋史及通考徽宗重和元年戊戌貢舉非甲戌宣和三年辛丑六年甲辰兩貢舉無丁丑年年號干支亦舛誤不合泰順志人物選舉兩門多誤据譜諜繆妄之文增易舊志蓋不足信也此碑題額稱吳氏三十五郎府君以行第冠首亦碑版創見之例

孫詒讓案誌文為平陽林根所撰其人舊府縣志並無攷其自題濟南者蓋郡望所出林寶元和姓纂載林氏有七望其一為濟南鄒縣林季仲竹軒雜著方聖時墓誌未亦自署濟南林某撰根疑卽竹軒宗人矣誌首云公濮陽郡諱承膺濮陽亦吳氏族望姓纂載吳氏三望濮陽郵城亦其一也此

誌紀述頗淺陋其載吳君之葬以大觀戊子孟冬初有八日甲申攷錢氏四史朔閏表及汪氏長術大觀二年十月丁丑朔八日正得甲申與誌合然凡經史中書十有幾日者有並讀為又言十又幾日也此云初有八日則於文不可通蓋於古金石文例全未究心者宜其舛繆百出矣

明因院寶塔塼第二種

左班殿直監温州瑞安縣商稅務趙公傑并妻任氏及闔家骨肉等特發虔誠施塼五十口起造白嵩明因院寶塔第三層使用伏乞 三寶明鑑保護家眷
□□安寧免有灾滯大觀三年三月十五日謹施
文僑按右瑞安明因院塔塼亦係側面文三行首

東園金石志 卷之五
行廿六字次行廿五等末行廿七字正書徑五分許塼高一尺四寸六分厚三寸五分文云第三層使用今見於最下一層而他塼有洪武己未重建字則經改作之故也宋制左班殿直爲武散官階成忠郎與右班殿直等皆爲使臣蓋勳戚之恩蔭者任之元豐官制行武階猶未及改政和二年詔易新名并易內侍官名亦有是稱則以內侍溷清流矣監商稅務者凡州縣皆置務大則專置官監臨小則令佐兼領以朝臣監州稅自太宗始也熙寧十年以前温州商稅歲額三萬貫以下六務酒課五萬貫以上七務時公傑監瑞安商稅施塼造明因院寶塔其塼側之文多至七十八字亦所罕

見五十口未詳

孫詒讓案宋史宗室世系表魏王廷美子高密郡王德恭房有兩公傑一贈奉直大夫一贈武德大夫不知孰爲瑞安監稅也

明因院寶塔塼第三種

□保毛璿周備周楚材□□□

□道徐一娘李誠李皓孫□□

□□□□成董貴潘華□保

大觀三年六月

右一種亦係側面文上下殘缺四行存二十九字正書徑八分第一種文云大觀元年此云三年六月蓋莊嚴多寶非伊朝夕之功也別有三塼不詳

東原金石志 卷之五
年月附見于左

白崑山頂造塔塼

正書徑一寸三分

瑞安白巖山頂佛塔塼

行書徑一寸三分

瑞安白巖山頂佛塔

行書徑一寸四分

陳伯嚮雙瀑潭銘

山裂一門 水分雙派

清虹沖雲 飛湧澎湃

滌煩醒心 流沫□□

振古如茲 朝宗于海

龍津黃存沖蒞事之初一見雙瀑

想竹間之遺跡廣金溪以瀦水浮

排亭以招隱九仙陳伯嚮父銘于

石政和乙未五月二十有三日題

右刻在樂清丹霞山張文君丹爐之右大巖上磨

崖大書八行前銘文四行每行二句八字句間各

空一字後跋語四行行十三字俱正書徑六寸楷

法精整巖壁立千仞下臨雙瀑潭遠望字跡可認

者過半然無可椎搗乃緣梯絕壁上心摹手追幸

無缺字惟三行末二字不甚明了黃存沖履貫無

考其題記云蒞事之初當是邑令攷郡縣志載政

和間樂清令有黃瑜存沖或卽其字歟政和乙未

乃徽宗第四建元之五年也

孫詒讓案此銘九仙陳伯嚮所作攷同治福建通志宋閩縣人物有陳葵字伯嚮初入太學試上舍優等崇寧中蔡京籍元符上書人奏乞編置葵其一也謫居衡州大觀三年赦還詔許依元考定甲分注官四年釋褐授温州樂清縣尉再調建安以陳瓘門人復爲京黨劾罷此陳伯嚮蓋卽陳葵嚮鄉字通故福建通志作字伯嚮其題九仙者樂史太平寰宇記江南東道福州有九仙山在州東南五里蓋以山名自表里居宋元人往往如是据銘後跋語蓋伯嚮時爲樂清尉與邑令同觀雙瀑因作銘刻石伯嚮以元符黨人謫官不愧了翁高弟

遺跡僅存劇可寶貴其爲樂清尉明以來郡縣志亦失載當据此刻及福建通志補其缺也

雙蓮橋石題字

宋宣和貳年

橋在永嘉城南玉蟾河上石長約五六尺橫臥橋柱閒秋冬水落時可見五字正書徑可尺許當是建橋時所題疑尙有數字後人修築置斷石於此志云舊有蓮花並蒂之瑞故名雙蓮康熙閒蔡兆豐募建序云肇基典午傳瑞累朝謂建始於晉未知所據

東甌金石志卷五

東甌金石志卷六

嘉善 戴咸弼 鰲峯 纂緝
瑞安 孫詒讓 仲容 補校

宋四

白鶴寺鐘銘

恭爲祝延

今上皇帝聖壽福及州縣官

寮六軍萬姓者

宣和七年歲次乙巳三月初七日重建

右上層第一區計四行行四字至十五字

忠訓郎樂清縣尉姚茂

迪功郎樂清縣主簿王□

東國金石志 卷之六
迪功郎樂清縣丞杜公謹

從政郎樂清縣令管勾勸農公事兼監天富北監陳祖受

右第二區計四行行九字至二十二字

鐘銘

有序

宣和三年五月仙居羣賊陷樂清以白鶴

寺爲洞其秋王師至賊焚寺遁走鐘亦隨燬六年三月寺僧法因子印以所遺銅六百斤更鑄千人共出錢鑄造明年三月九日鐘成邑人鄭邦彥爲之銘曰我聞賊初作官以鐘號兵及賊據爲巢亦以鐘聚黨佛始制鐘意欲衆聞法音豈知倉卒聞覆用代金鼓大衆觀是事猶彼衆生心用之善不善毫末繆千里善用則法器不善

器亦凶器猶可變更心謬難遽改今以三昧

火鎔彼熱惱銅入此戒定模得成無漏器

撞以慈悲手流出微妙音六道與四生聞者

證常樂

右第三區計十行行二十字

山門句當比丘子印法因

同句當弟子任敏湯尹

勸緣典史陳忭柯敦

山門首座比丘雯安

山門尊宿比丘景蟾清塞

山門監寺比丘惠秦

山門表白比丘惟行

都勸緣住持傳天台教觀比丘惟或

右第四區計八行行八字至十四字

弟子徐行可并妻王十一娘捨銅二百五十斤答四恩三有典史陳忭并妻楊四娘與合家等導祖翁四郎祖婆鮑四娘考八郎妣親薛三娘方廿五娘生方弟子任敏并妻蔣十一娘男希老合家等奉答四恩三有及法界衆生仍導男才十六郎生方弟子柯敦并妻徐十娘奉答四恩三有仍導考妣二親生方弟子湯尹母王十一娘妻屠二娘答四恩三有仍導考六郎生方已上各捨錢十五貫弟子孫師古母劉廿二娘捨一十四貫導考三郎生方

右第五區計九行行八字至二十五字

比丘清塞弟子張玩女弟子王三十娘并孫孫師顏已上各捨一子女弟子楊廿二娘男宋世英弟子包瑾弟子季自立弟子林有成陳師禹已上各捨七千足奉答四恩三有典史張格母陳二娘妻林十八娘合家等導考十郎女弟子徐十二娘并男陳邦直合家等夫陳十八郎弟子趙惟岳并姪式振等奉答四恩三有已上各捨五千足弟子孫師錫并弟敏修捨四千足薦考十九郎弟子郭成并妻陳十五娘捨五千省答四恩三有弟子王鍾并妻陳十五娘男亞五亞寧捨五千省答四恩三有仍薦母陳七娘 李敦妻王十六娘捨三千

右第六區計十行行十六字至二十六字

吳宗貴 吳宗浩 何仁興 童義 辜尹材 童

滿 黃仕方 劉滿 屠安老 陳皓 夏迪 錢

宗 劉昇 孫揚 婁大用 陳典 潘滿 張忠

弼 王安彦 宋慎欽 辜盛乙 陳紹祖 徐勝

包汝明 周趙三 林有資 倪佑妻盧二娘

施保生 何有全妻徐八娘 趙十一娘 陳五娘

孫十二娘 陳十九娘 孫十三娘 楊廿七娘

林十四娘 朱二娘 林三娘 劉十六娘 薛

十七娘 官十四娘 蘇六娘 葉四娘 任五娘

任十娘 朱十二娘 任十二娘 黃六娘 應十

娘 黃五娘 吳六娘 孫隣 鄭四娘 林五娘

林三二娘 陳益 徐六娘 陳瑤才 張時訓

林徹 林溪 高詠 毛銳 各捨一千

右下層第一區計十二行行十三字至二十字

任希老妻陳七十一娘男邦祖昇祖女十五娘陳二

妻王十八娘陳泗恭陳泗圓夏伴德各一千

右在枚篆閒計二行一行十七字一行二十字

弟子湯祥捨錢一貫 口為 周弁 倪邦彥 陳

修 呂有成 湯怡 潘彬 潘義 陳敦 張逢

孫安禮 陳倪生 吳怡 徐廉妻林二娘 章

成德母朱四娘 林三四娘男劉棠劉節 任八娘

柯廿三娘 孫三二娘 施二十娘男余邦彥

張十二娘 周因妻陳一娘 應二娘 林庠敏妻

陳二十娘 葉師蓋妻陳十三娘 林維妻陳五娘

葉六娘 蔣十三娘 周公義 陳十四娘 吳

瑛 各捨一千 會首裴仕寧化錢一十千 林師

佑化錢八千 蔣保妻劉十七娘化六千 王亮化

六千 徐超化六千 張忠錫化五千 朱輝化五

千 葉安生化三千 陳齊化三千 徐勝化三千

陳泗有化三千

右第二區計十二行行十三字至二十字

比丘延祖怡勉會首石浩真陳泮兒林安瑞 張道

倪法希陳才盧三二娘姚廿四娘沈四娘 張六娘

湯十二娘共化到二十千

右在枚篆間計三行行十三字至十八字鐫刻

陰文

前住持傳教賜紫慧空大師覺初捨七千 住持傳

教比丘惟或 傳教比丘景蟾 則海 傳法比丘

用忠 行持 妙應大師景新 比丘處安 景文

景韶 惟介 澄浩 景才 子達 智鴻 惟

衍 怡穆 擇崇 景資 惠臻 懷信 懷辯

祖昇 宗尙 景全 慧顯 處昂 惠嚴 祖襄

法尹 仲丕 延祖 梵詮 祖恭 妙辯大師

道深 普明大師世延 賜紫居愿 比丘尼守賢

仲安 宗淨 戒森 義昭 戒月 良雅 師

玩 道光 已上各一千 同幹比丘澤崇 文靜

師覺

右第四區計十一行行十字至十六字

東國金石志 卷之六
五
永嘉鐘匠翁詳聽 支晞妻葉十六娘男才男修捨
五千 女弟子鄭三娘安一娘弟子薛□周新各一
千

右在枚篆閒計三行行七字至十八字女弟子
一行鐫刻陰文

弟子鄭惟玘并男迪功郎前台州州學教授邦彥新
婦林四六娘 印典鄭充妻葉八娘 葉邦百 任
道元 鄭璠 陳彥臣 陳昱 林照妻連一娘
劉璋 裴八娘 張一娘 陳一娘 孫三四娘
已上各施三千足 王億妻林七娘 陳□□ □
彥釗妻陳三娘 余禮 孫延年 王敏 孫恭
祖延 陳惇 林敦 毛筠 劉求錫 辜宗護

裴仕民 徐詵 孫維 包珪 張衛 鄒大猷

林安淮母孫十九娘 倪勝 王楊 陳悅 徐逞

妻潘五娘 孫端中母何五娘 吳道崇妻李七娘

林玩母胡十七娘 林廿九娘 劉敦母林二娘

葉安生妻彭四娘 各捨二千

右第五區計十二行行八字至十八字

陳威陳趙李益林大娘各一千

右在枚篆閒一行十二字鐫刻陰文

弟子黃安妻鮑八娘 支伴成妻華六娘 張才妻

謝八娘 鄭添妻沈十一娘 王三娘 邵徽妻萬

二娘 劉廿三娘 劉廿四娘 孫三娘 葉十娘

倪廿七娘 吳二娘 林四娘 劉威 張序

東國金石志 卷之六
林偁 謝彥 楊先 各二千 史敦義 張延
李熙昌 林二十娘 各千五百 鄭惟玠妻林廿
七娘 呂先 支珪 夏詵 宋元修 周恭 陳
衍 毛徹 支彥 支旻 王忱 劉翌 劉珣
鄭瑤 林暉 陳師舜 周尙已 薛暉 張昕
張岳 周鎬 陳杲 陳家 林仕隆 高義 孫
端信 李湜 徐珍 陳佐 徐衍 毛惟雅 周
悰 裴方 沈鄭 湯亞 各一千

右第六區計十二行行十三字至十七字

文儁按右銅鐘在樂清丹霞山白鶴寺高七尺六寸八分下圍一丈五尺一寸八分腰起橫稜分上下層共界爲十二區每區又界直稜以閒之古謂

之篆亦謂之帶周禮考工記鐘帶謂之篆篆閒謂之枚是也下層區高一尺一寸廣一尺二寸八分上層區高廣若干鐘款分列各區字並正書惟下層第三區無字中作圓相徑三寸八分內復重圍一線中一小圓◎八面對植一物如匕首形也長二寸六分至三寸二分不等廣狹亦不一莫解何名下爲波文一魚龍首鳳尾作騰躍勢其枚篆閒刻文五行想出治後所補題者上層第六區後枚篆閒又有 國朝康熙閒樂清歲貢生李棟鑱刻字六行云樂成白鶴寺古刹也寺有鐘古鐘也宋宣和閒樂有寇巢於寺而燬其鐘當日雖遭變故旋有善信爲施越三年而復鑄焉觀之鐘上鄭先

東國金石志卷之六
生之言可知也清康熙乙卯歲閩亂波及吾樂軍
需不繼煮鐘爲錢諸寺觀皆不免賴邑主賈公應
麟念切菩提令住持僧超焯靜以護之鐘幸以全
亦越三年丁巳新其寺而復升之爰勒斯言於上
以誌護法爲鐘再造之德永永無窮也貢生李棟
記按鐘銘序云仙居羣賊陷樂清攷樂清志宣和
三年仙居賊俞道安方臘之黨方寇甫退道安嘯
聚相溪爲亂陷樂清屯白鶴寺卽其事也丞簿尉
三人郡志俱闕樂清志所載卽據此鐘而主簿王
注云名逸實則漈漫似保亦似徠縣令結銜曰管
勾勸農公事者政和二年詔縣令以十二事勸課
農桑上副朝廷故有是稱宋設鹽場於杭秀明温

台五州樂有天富北監在玉環鄉又有天富南監
在平陽鄭邦彥字國材惟玘之子嘗從許景衡學
解褐重和進士授滄州教再授台州皆以憂不赴
趙鼎當國參政席益力薦之或言宜與舊職遂教
婺州篤意造士王梅溪稱其學術淵粹爲時名儒
見樂清志儒林傳下層第五區所列檀施姓名亦
有邦彥名時其父惟玘尙在結銜稱前台州州學
教授當在居母憂之時銘詞以禪語闡心學足爲
警俗之資惟體類梵得不諧聲韻亦勗格也第六
區毛徹字知微有孝行以詩試爲太學上舍告歸
一鄉皆稱其德縣方建學以徹董其事因使爲之
長以率後進之士亦見樂志孝友傳上層第六區

東陽金石志卷之六
女弟子徐十二娘并男陳邦直合家等夫陳十八郎詳上下文義夫字上宜有導字或薦字率作率見北魏碑韻會謂率古文率字此又从省也所載捨錢人姓氏其偁祖曰祖翁祖婆子偁父曰八郎十郎女則自稱曰女弟子子偁母夫稱妻亦曰幾十幾娘有多至百一娘千二娘萬一娘者男人亦有偁千一郎者考唐代金石刻多有此偁足以見當時風尚之異今則絕無矣比丘有句當首座尊宿監寺等名其曰表白則罕見惟陝西興平縣宋保寧寺鐘款有表白崇廣處州天慶觀鐘亦有教門表白厲大京葉昌齡等其曰傳天台教觀者陳時釋智顛居天台佛隴山號智者大師嘗著止觀

十卷緇流宗爲天台教捨錢之數曰足曰省者足則足陌省則短陌古謂之長短錢抱樸子云取人長錢還人短陌則晉時已有之梁武帝時有東錢以八十爲百西錢以七十爲百長錢以九十爲百卽今之七扣八扣也唐元和中京師用錢每貫除二十文昭宗末每百八十五河南府以八十爲百歐陽公歸田錄云用錢之法五代以來以七十七爲百謂之省陌其來遠矣

孫詒讓案鐘銘爲鄭教授邦彥所作其序云宣和三年五月仙居羣賊陷樂清以白鶴寺爲洞其秋王師至賊焚寺遁走鐘亦隨燬攷方勺泊宅編載方臘以宣和三年四月就擒餘黨走衢婺而越州

剡州魔賊仇道人台州仙居人呂師囊方巖山賊
陳十四公等皆起兵畧温台諸縣四年三月討平
之薛良齋浪語集劉進之行狀亦云方臘起妖人
呂師囊趣和之反黃巖陷樂清犯柘溪抵菰田管
界巡檢陳莘以郡兵三百人拒之此與宋史童貫
傳所載呂師囊合黨應方臘者正合而宋史丁仲
脩傳則又云方臘黨俞道安陷樂清將渡江巡檢
陳華浪語集作陳莘與此異
萬厯府志又作陳莘往捕死之參互校覈
蓋呂師囊俞道安爲一黨卽鄭序所云仙居羣賊
陷樂清者也舊鐘旣燬寺僧乃募緣重鑄而邦彥
爲之銘弟五區載捨錢姓名有鄭惟玘者卽邦彥
之父弟六區又有鄭惟玘疑邦彥從父矣

黃槩等仙巖題名

黃槩 宣和

孫槩 同遊

右在瑞安仙巖梅雨潭前巨巖之陰正書上層四
字字徑六寸三分下層四字字徑四寸一分孫槩
宣和閒通判黃槩無攷

常寧寺橋石題字

寺僧妙口捨石橋一所靖康元年四月立

孫詒讓按右橋石題字在瑞安來暮鄉常寧寺石
中斷缺一字不可辨宋元造橋題字永嘉瑞安兩
邑所見尙多靖康紀年不永石刻頗尠故特錄之
開元寺鐘銘

建炎二年歲次戊申二月二十四日

恭爲祝延 今上皇帝萬歲福及郡邑官僚六軍萬
姓

前資住持都幹當臣僧 道圓立

右上層第一區計三行

龍泉寶鐘宣和辛丑壞於賊火道圓闕法器之無傳
遂出力而新之鄉貢進士蔣偉謹稽首爲之銘曰
真空無相 託於有形 妙用難言 傳於有聲
形聲不滅 法也大成 叩之鏗然 非雷非霆
息苦警情 通幽洞靈 何千萬年 永鎮明庭

右第二區計七行

女弟子劉六娘男陳高新婦夏十六娘施三十貫

女弟子葉氏四娘爲自身施三十貫 女弟子劉三

娘男夏姐郎施三十貫 女弟子陳三娘男王通王

暹新婦潘廿二娘夏四娘施三十貫 女弟子姚八

娘男陳彬新婦劉十九娘施十五貫 弟子夏伯英

妻王八娘男臯新婦單十八娘施十五貫 章昇妻

周十一娘施十五貫 顏光 潘泗稔妻葉七娘

葉蔚妻鄭十一娘 劉世華母徐三娘 蘇泗德妻

周四娘各施十貫

右第三區計八行

弟子鄭公安妻周二娘於造鐘時捨寶藏五銖錢施
三十貫 弟子留舉妻王十三娘施藏錢七貫

右在枚篆閒計二行

當山比丘道光施三貫 嘉福院比丘梵詮施十貫

當山慈覺大師晞叡比丘允成仲彥各施二貫 當

山比丘有崇施十五貫 師萃施十貫 當山同幹

鐘沙門梵迎慧尋文杲各施一貫 當山知事沙門

中啓施三貫 當山尊宿宿沙門行充道圓道方各施

一貫 當山勸緣住持沙門道全施五貫

都勸緣迪功郎新就差監明州鹽倉劉謙施一百貫

右第四區計八行

南無十方常住法 南無阿彌陀佛

南無十方常住佛 南無本師釋迦牟尼佛

南無十方常住僧 南無彌勒尊佛

右第五區計三行

迪功郎縣尉盛 奕修

迪功郎主簿呂 恭問

儒林郎縣丞何 執藝

宣教郎知縣主管勸農公事兼監益場詹夫

右第六區計四行

前資住持常裕元豐庚申正月廿四日施五百千鑄

造宣和辛丑兵火燒壞收拾餘料仍干信人重鑄彫

將功德薦常裕院宰并幹當僧熙坦

右枚篆閒計二行

弟子林筠 李民 蔣敦一 周復 夏師政 黃

珉 潘文象 葉先 蘇應期妻陳五娘 徐膺妻

池八娘 陳煜母朱四娘 已上各施五貫 周鼎

葉安母戴二娘 林範 已上各四千 周允

沈宗雅 劉世安 周彥 李壽 蘇忠諒 蘇安

口 葉口 劉顯 劉慧相 鄭文憬 嚴王師

潘舉達 潘元歸 龔琮智 陳修志 已上各三

千

右下層第一區計十一行

蔣敦儒 蔣敦修 沈通 薛闡 何徽 顏輯

陳復圭 陳待舉 陳琳 陳忠 王珪 朱若保

蘇安勝 朱壽 陳政 池彥 徐安尙 詹公

祐 池俛 董全 胡鄭 朱文爽 朱晟元 陳

祥 朱善 陳範 黃師感 黃法強 支仁岳

嚴榮 支仁珪 黃法成 葉公壽 董絮林 章

伯万 章行兒 殷熙惠 章安祖 朱伴生 葉

士周 葉雪顏 王陶保 陳周生 劉晞祚 周

增超 周李兒 劉文德 陶有崇 蘇全 徐神

馱 蘇酉兒 張酉生 已上各施一貫

右第二區計十二行

陳三娘留九娘葉六娘夏四娘朱廿七娘各一千

阮十九娘朱十娘支八娘游九娘周十六娘潘十九

娘各一千

右枚篆開計二行

葉彥施一貫五百 夏道伸 夏伴成 王公感

王充 葉魯 諸葛琛 吳公智 劉矜 范全

魏昌 劉周勝 劉宗聚 陳公安 章閏 葉茂

夏周護 劉盛元 陳感安 應小來 王晟

邵夢星 吳添壽 李善兒 李文德 朱益 劉

文安 陳葉師 周法巡 項閨生 應禮 朱田

安 葉伴德 董遇女 翁道詮 王丑兒 何珣

陳允齋 陳良 陳葉 林晟 林法想 李忽

朱世蕃 陳感 支宗從 支仁錄 支宗安

支仁晟 劉六兒 蘇添兒 單仔 各一千

右第三區計十一行

承信郎新差福建路提刑司准備差使萬祥施一千

鐘匠翁詳翁禧

右枚篆閒計二行

當院 戒瓊 正規 道征 慧開 陵謂 冲邃

冲悅 冲性 法行 冲律 曇忽 曇向 景

寰 僧遇 清治 已上各一貫 清涼院住持傳

教比丘妙因施五貫 守仁 子威 宗印 守佺

守倫 文了 各三貫 長源 梵隆 利祥

清辨 有忠 道顏 介邈 梵榮 戒先 道珠

彫資 子明 如瑩 行純 道珍 法俊 介

孚 道卿 戒清 文矩 智嵩 道顯 照靈

利津 文智 法拱 曇韻 文郁 師象 文悟

希淨 介政 文峻 文昉 曇信 文拱 如

諫 清演 成行 靈贊 尼法平 紹隆 文振

惠文 文益 已上各一貫

右第四區計十二行

東國金石志 卷之六
女弟子 葉三娘 顏四娘 王三娘 章四娘
林廿三娘 夏四娘 姜五娘 董十六娘 王五
娘 葉廿六娘 楊十娘 朱七娘 朱八娘 葉
六娘 殷一娘 王十娘 留十三娘 潘廿五娘
葉四娘 葉八娘 郝五娘 吳八娘 徐廿
娘 夏六娘 商一娘 留七娘 支二娘 夏十
七娘 姜七娘 朱二娘 王十娘 戴六娘 伊
十七娘 潘十四娘 潘十六娘 謝十五娘 徐
十七娘 蘇十六娘 支七娘 伊一娘 陳八娘
已上各施一貫

右第五區計十一行

沈環劉文安留齊德林弟兒陳衡顏卓嵇陽各一千

鄭多叔張德葉勝老朱閏章俊朱師進朱有希

右枚篆閒計二行

景德院傳教法照五貫 秀峯院可印十貫 可璘
景賢各三貫 良展二貫 章革 陳革 章暉
朱又貴 董兢 夏成 周平 游道瑄 潘文
希母夏一娘 王陳老 葉雱 各施二千 女弟
子董一娘 留十九娘 劉十二娘 蘇三娘 留
廿一娘 蘇十六娘 章七娘 各二千 陳五娘
男聖老施三貫 吳十一娘 張九娘 徐十七娘
徐七娘 葉十娘 陳十九娘 陳十六娘 陳
七娘 葉十三娘 王五娘 徐十九娘 林二娘
各施一千

右第六區計十一行

武進校尉顏師與施二貫
承信郎葉璞施一貫

右枚篆開計二行

姜師政 潘立候 鄭絮良 葉足顏 王彥明
陳僧慶 葉丑顏 季林生 黃法朱 季周生
王吳匝 留元 朱絮兒 章有希 章絮李 周
暖生 徐朱三 徐僧瑄 王遇 潘仕四 徐大
和 徐清臣 劉義 季林生 季周生 蘇公惺
潘立便 周安兒 嚴法俊 何資深 黃有昌
黃添 陳安 夏絮葉 比丘 惠瑄 子京
宗尙 師覺 文習 師復 德威 智常 長融

守旻 彥昇 已上各五百文

右在腹內下層進武校尉承信郎二行之背計
七行

開地獄真言曰唵喏那嚩婆斯地哩婆斯地哩吽莎
訶

右在腹內下層沈環鄭多叔二行之背計一行

劉五娘 章十一娘 周九娘 周十四娘 姚十
八娘 王十娘 董二娘 留廿一娘 陳一娘
葉四娘 朱十五娘 朱十六娘 劉五娘 馮四
娘 吳三娘 夏六娘 林八娘 王三十娘 包
五娘 柳八娘 朱二十娘 朱廿五娘 潘十三
娘 黃九娘 李九娘 徐十一娘 楊九娘 陳

東陽金石記卷之六
九娘 已上各五百文

右亦在腹內下層第五區之背計六行

右鐘在郡城開元寺案温州府志開元寺在郡城習禮坊晉太監閻李整捨宅爲寺初名崇安寺唐改今名鐘鑄於建炎二年戊申二月在高宗駕幸温州之前二年高八尺五分上圍一丈一尺四寸下圍一丈五尺五寸四分腰橫起四稜分上下層共界爲十二區每區間以直稜三上層區高一尺七寸八分廣一尺一寸三分下層區高一尺五分廣一尺二寸五分銑厚四寸每區行字不等皆正書此鐘初鑄於元豐庚申款云宣和辛丑壞於賊火又云兵火燒壞政府志方臘寇温州教授劉士

英倡議拒守城賴以全宜爲賊火所不及推原其故士英守城時戒衆以鳴鐘爲期鐘振兵皆集據此則鐘當移置南城以備緩急之用及俞道安攻城以船載火燒水門持炬燒戰棚望樓火礮洞車雲梯並設以攻南門或者鐘卽燬於此時亦未可知蔣偉後登紹興乙卯進士官閩清幹辦是年戊申蓋在未登第時故稱鄉貢進士沿唐例也府志載銘詞妙用難言作元妙難言叩之鏗然作鏘然知縣詹夫作詹夫丞簿尉三人舊府縣志並失載今依改正前資二字見唐書又金石萃編永興軍中書劄子戶部侍郎知河陽軍范雍奏臣昨知永興軍體量得前資寄住官員頗多子弟輩不務肯

東國金石志卷之六
構又文獻通考有前資官卽今之前任官也則此
前資云者疑卽謂前此住持之僧耳進武校尉承
信郎並武散官鐘匠曰翁詳翁禱樂清白鶴寺鐘
有永嘉鐘匠翁詳聽名疑卽此二人紹興二年護
國寺鐘亦翁祥并男文裴鑄造蓋良冶也銅質精
純寶光外鑠字體亦勁逸可喜願作彫靈作靈俱
別體

孫詒讓案蔣序云龍泉寶鐘宣和辛丑壞於賊火
攷萬厯府志祠祀門載有龍泉院在泰清鄉而鐘
款第四區亦有當院僧人戒瓔等捨錢字樣竊疑
此鐘乃龍泉院故物後歸開元寺猶前卷所載密
印寺元豐鐘本證覺院物也宣和辛丑卽呂師囊

犯温州時郡城以劉教授等堅守得全而諸鄉蹂
躪殆徧龍泉舊鐘之焜卽在是時無足怪矣

吳積中妻許氏壙誌

宋居士吳積中妻許氏温州瑞安人父球贈太子少
師妣何氏永嘉郡夫人嘉祐壬寅三月丁巳生宣咏
甲辰十月丁巳卒以建炎己酉九月癸酉葬邑左白
巖山男四轅輯軹轄並業儒轅遊學陝西先夫人卒
女三人各適進士長口愨次黃庭議季周時紱男孫
叁人女孫一人

孫詒讓案右壙誌石高一尺三寸廣一尺九寸強
誌文凡十一行行十字字徑八分楷法絕秀整首
尾完具惟第九行末一字剝泐不可辨光緒壬午

秋瑞安東門外隆山村民掘地得之今藏邑中許氏家大人曰吳積中及其子四人郡縣志皆無攷所謂壻三人皆進士者亦不見郡縣志選舉門題名蓋鄉貢之未中第者宋南渡初吾鄉許氏爲顯官者惟忠簡公景衡宋史忠簡本傳建炎元年遷尙書右丞明年以資政殿大學士提舉洞霄宮罷政五月卒於瓜洲宋制文臣非執政不得贈三代至太子師保許氏之葬在建炎三年而父球嘗贈太子少師則必忠簡爲右丞時所得恩數球當卽忠簡父名許氏卽忠簡女兄弟也又攷橫塘集沈耕道妻墓誌言其子爲郡學生將謀婦氏曰吳氏女許出也有賢行其伯仲皆儒者又云將葬來

請曰吾辱子游而吾妻知子之賢請婚甥室是忠簡塙有女兄弟嫁吳氏者竊疑沈耕道子婦吳氏卽積中女誌所謂壻者卽耕道子耕道墓誌僅書子某未著其名此誌壻上適缺一字蓋卽沈字也史傳及郡志並

不詳忠簡先世惟邑中許氏譜載忠簡父名侃特

奏名科贈太子少師譜載母何氏封永嘉郡夫人與此誌同嘉靖瑞安縣志特

奏名科許侃不云忠簡父其名與此不合攷宋真宗封襄王時

改名元侃宋人避諱最謹宋史楊大雅傳載大雅

本名侃避真宗藩邸諱改今名忠簡父正當真宗

之後不宜以侃爲名譜牒之文多傳會不足據要

之球爲忠簡父以此石及本集參互定之殆可無

疑也

東甌金石志卷六
又案誌載許氏以嘉祐壬寅三月丁巳生以宣和
甲辰十月丁巳卒以建炎己酉九月癸酉葬攷壬
寅爲嘉祐七年檢錢氏四史朔閏表是年三月戊
申朔則丁巳是月十日也甲辰爲宣和六年檢錢
表是年十月甲辰朔則丁巳是月十四日也己酉
爲建炎三年檢錢表是年九月丙午朔則癸酉是
月二十八日也又云男孫叁人叁卽俗傳大寫三
字實卽參之譌變金石萃編咸亨四年鄭惠王石
塔記云王卽太武皇帝之第拾叁子則唐初已用
此字蓋其由來遠矣

理治市圖書印